



雲間杜氏詩選 七言律

同郡

吳懋謙六益氏

徐允哲西崖氏

杜世祺以介氏

杜世祉尹受氏

編輯

京兆後裔

杜陽

奉 詔使緬辭朝恭紀

擁節鳴珂出御筵

天威咫尺照蠻烟
垂裳自

合同交軌補袞何辭學
甸宣遙羨玉門征轡入

七言律

七言律

敢言銅柱策勲傳微臣直擬來重譯萬里要荒
識聖賢

杜 福

故居湫隘勉構六宅以析六兒賦此示勗
一畝曾無儒者官爰居甫寄灑西東敢言輪奐
干雲日聊爾綢繆蔽雨風尺五聲名猶在望千
年松竹未爲窮自今冀汝能高大式好無尤共
鬱葱

杜 詩

餞同僚霍指揮

一尊相對醉今宵明日啣恩萬里遙地入窮荒
橫朔氣天臨絕域遍涼飈長纓自昔能如請銅
柱於今羨復標此去功名歸上將竚看麟閣繼
嫖姚

杜 禮

喜甥艾德徵登進士

憶昔茆堂下榻時清狂爾汝共啣卮十年綵筆
干霄漢一旦青雲起鳳池帝里春風鳴玉珮燕

杜 詩

七言律

二

山芳草度金羈承明指日親臨問更折瓊林第
一枝

杜 秦

送婿朱允若司訓太平府

文星燿燦映天門美爾鱣堂道自尊莫謂一官
聊吏隱願培多士答王恩春風桃李歲蕤發時
雨菁莪化育繁塵鞅不親清似水端居足傲簿
書煩

天門太平府山

杜 翺

送李拙菴先生歸姚江

丈夫意氣自相期李杜聲名世所知簡亢喜爲
元禮御迂狂曾學少陵詩一尊徒倚黃龍酒半
仞翺翺老鳳姿回首谷陽歸不得月明相望隔
天涯

杜 袞

促談本彙吏部應詔還朝

東山高卧已多年此日彈冠帝眷偏謝病已拚
老丘壑脚恩能復戀林泉千山芳草隨行騎萬

星春雲接御筵如此宦遊良不惡莫嗟衰白畏
風烟

杜 讚

獨坐有感

裁成詞賦竟何如狗監無人薦子虛壯志未酬
牛斗氣窮愁空對聖賢書閒來日月惟高枕病
後山川懶曳裾寂寂寒窓誰予問生涯何計漫
樵漁

杜時登

題潘衡齋學憲適園

縹緲飛樓結小山瞰江日夜水潺湲芝蘭密擁
懸車卧麋鹿羣隨運甓閒幽谷丹心常魏闕東
園紫氣卽函關非予敢飾輿人誦爾豈能忘國
步艱

用壽晚峯從叔韻自嘲

一生最愛長楊賦懶問蘇家二頃田只合閉關
藏晚節不須覽鏡學春妍興來隱几搜圖籍醉
後新聲雜管絃况有騷壇陶謝輩相將游豫永

和年

寺前鼓柁東具如上人

江上晴游似鏡中淡烟輕靄靜浮空岸迴舟自
漢橋入塔迴雲從殿閣通聽法魚龍時隱見忘
機鷗鳥亦西東鳴橈更泛桃花水不辨叢林返
照紅

九日招石吳曲黃中山園中小飲

黃花此日共爨猶三徑偏容二仲遊多病登臺
頻極目百年佳節半窮愁風高禾黍平疇晚霜

落蒹葭野岸秋老去交情貧更好可當明月到
林丘

送次兒春試

朔風獵獵嘆離羣彩鷁西飛已夜分士不乘時
魁甲第身從何處顯聲聞我甘蘿薜開三徑汝
志崢嶸向五雲此去勉旃崇令德好將詞賦獻
明君

秦鳳樓侍御見過

簪筆歸來讀子虛朱輪忽枉故人廬園開綠野

七言律

七言律

時高枕夢入三江懶曳裾把臂乍驚雙鬢改披
襟還喜濶懷舒蘿烟寂寞空山裏幾度秋風歎
索居

境內舊有驗禎石橋傾圯久之從子伯武
伐石鳩工復構甚壯因作水月庵其右
傍翼以樓甫落成望之鬱然因知地以
人勝也詩以咏之

天馬凌空走翠蚪溪山雅趣協滄洲峒堯百尺
招提閣心跡雙清水月樓題柱吾衰真感慨憑

欄汝賞足風流詰朝莫負登臨約乘興頻將大
自浮

寄表左史太冲

十載漂零一逐臣卽今骯髒老彌親諸侯賓客
誰爭長七子文章爾獨新匣有雙龍含紫氣門
無題焉覓紅塵從他岐路休相詫輪長江河得
幾人

獨坐

獨坐空庭只閉關年華冉冉逐潺湲古來榮辱

浮雲過老至疎慵盡日間野浦晚烟沉白鳥江
天微雨沐青山遙知水月通禪寂歲晚梅花可
自攀

九日獨坐喜淡圃弟携酒來訪

弟別號東籬

九日無朋花自開東籬忽漫抱琴來江樓爽氣
當筵落烟浦漁詞入座哀但遣清樽常不負儘
教白髮自相催暮年兄弟登高處醉把茱萸去
復回

杜時達

濟寧陸道

河水無聲已暮冬濟陽城外曉鳴鐘吳雲日斷
家千里岱月光侵山萬重王事敢辭車馬力臣
心憫見饑饉容是處大荒民皆凋瘵馳驅惟怯寒威早遙
羨前村烟景濃

杜時中

答徐長谷見詢

蕭然落葉滿庭除忽有瑤音慰索居自別河梁
同握手誰憐風雨獨攤書窮來鬢髮偏嫌短病

後交游更覺踈爲問同時諸故舊幾人能復問
匡廬

杜時騰

壽虛江伯兄八十

白首猶推計吏賢思尊投効息仔肩歸來松菊
開三逕老去詩歌樂大年寄傲閒心峯泖裏息
機無夢市朝邊靜中自合長生訣從此千秋歲
月綿

杜時選

和家少陵秋興

金風颯颯動高林極目郊原秋氣森雨過亂蟬
吟落日雲移衰柳帶輕陰無才難學江郎賦有
怨祇餘宋玉心獨坐悲歌憐寂寞不堪靜夜聽
寒砧

杜時遇

游點蒼山

山石蒼翠如玉盤亘三百里高
千餘仞有十九峯十八川之勝

絕壁嵯峨高插天滿山蒼翠石如璿白雲曉接
千餘仞綠樹烟凝十八川下界氤氳元氣合上

方縹緲法華妍自公多暇頻遊此仙境原來不
浪傳

杜時燦

山居

春山近戶藹蒼蒼苔逕無人綠繞廊僻性自來
羣野鹿世情誰與問羲皇松筠滿岫垂清韻蘭
蕙盈庭挹素芳十載心期同蝶夢灌園今已任
機忘

杜宗魯

春懷

晴烟暖拂浣花溪淺岸茸茸綠草齊人對好春
須自惜鳥迎淑氣肯忘啼野桃獨笑長堤曲媚
柳偏斜畫閣西最是艷陽風日麗水光山色總
堪題

杜宗彞

楚中攜歸雙鶴轉送俞兵憲因爲詠別

千里攜琴伴爾歸凌霄玉質倍清輝休依舊主
棲林莽可向新知振羽衣栢府臺邊從起舞柳

營簾外任翻飛回思杞梓荆南遠應自雙雙喚
故扉

杜宗範

贈別趙二衷赤

異國羈棲正鬱陶相逢歡遇五陵豪冬來誰解
尋蘭蕙寒盡方知有綈袍始見卽疑君是我交
情已信水如醪不堪芳草催歸路獨向天涯憶
柳條

禁中新柳

新柳菲菲出上林飄揚輕拂玉階陰柔枝每洩
陽和早弱質偏承雨露深色帶黃金籠翠殿絲
垂青縷縮華簪御園先試君王眼不繫人間離
別心

道上月

長河夜靜水悠悠銀漢無聲霧靄收素影獨瞻
秦地月清光會照漢宮秋客心此際頻移枕長
笛誰家尚倚樓同是水輪千里色偏將離恨付
扁舟

杜宗恂

真吾從弟預約賞牡丹步韻賦答

晴藹搖空淡蕩回西園春色好徘徊正期花發
堪題句恰喜詩成促舉杯濁酒未傾心已醉名
葩有約莫遲開與君爭羨及時樂恐負年華鬢
裏催

和彥恭姪落梅韻

十里春雲覆小塘梅花狼籍任風翔翠簾搖颺
疑飛絮綠樹霏微似點霜競說樓中爭落粉還

看額上試新粧誰家玉笛連宵弄愁絕擎杯黯
斷腸

杜宗玠

幼白姪見顧荒園攜惠佳釀兼出韻語索

和率爾賦答

剡舟遙下竹林幽潮滿平江共倚樓野老何曾
腸錦繡投醪喜見韻風流大蘇意氣元同調姪伯

氏道執與小阮清狂復倡酬為訂木奴圓熟後

與君觴詠任夷猶

杜詩
同顧孝廉叔復表兄登君山得巔字

振衣直上翠微巔
萬里江流思渺然
紫氣虛沉滄海日
蒼烟遙接白雲天
風翻半壁松濤怒
巖隱空庭石逕鮮
三十三山原並列
諸峯誰得似君傳

杜宗端

雁字

西風瑟瑟助毫飛
隨意書空體勢稀
萬古春秋畱直筆
一天星緯任斜揮
銀鈎似合蘭亭法
鏡

畫還同石室微
亂潑數行連復斷
相傳鳥蹟是耶非

八月十五夜同王心岫林仁甫姚伯憲張
侗初陳眉公海上看月飄然有天際之
想詩以記之

大海汪洋接太清
相看此夜濯塵纓
迂狂欲贈嫦娥句
汗漫誰窮島嶼情
風捲重山排雪浪
天開蟾窟浸蓬瀛
憑虛直擬冲霄漢
世外閒身似羽輕

杜獻璋

贈陳仲醇

壯心拋却為親闈日擁羣書坐翠微絳帳半收
天下士清齋自飽北山薇從他天矯紛裘馬輸
爾嶽崎一布衣真訣近從仙客授關門靈氣頓
驚飛

迎春日作

晴光花縣久逡巡指點青陽尚隔辰繡箔有人
窺綵仗錦羈無地起香塵雪飄簾外猶含凍梅

想朝來欲試春淑氣好噓愁苦散衰遲客作太
平人

夜過王生園亭

却因看竹暮相過掩映高齋翠靄多漁艇夕陽
斜繫柳畫橋微月半含波狂來恨少吳姬酒別
去空聞子夜歌縱是平原仍有約夢竟其奈繞
煙蘿

杜獻璠

送陸孝廉司教靖江

杜獻璋

贈陳仲醇

壯心拋却為親闈日擁羣書坐翠微絳帳半收
 天下士清齋自飽北山薇從他天矯紛裘馬輪
 爾嶽崎一布衣真訣近從仙客授關門靈氣頓
 驚飛

迎春日作

晴光花縣久逡巡指點青陽尚隔辰繡箔有人
 窺綵仗錦羈無地起香塵雪飄簾外猶含凍梅

想朝來欲試春淑氣好噓愁苦散衰遲容作太
 平人

夜過王生園亭

却因看竹暮相過掩映高齋翠靄多漁艇夕陽
 斜繫柳畫橋微月半含波狂來恨少吳姬酒別
 去空聞子夜歌縱是平原仍有約夢竟其奈繞
 煙蘿

杜獻璠

送陸孝廉司教靖江

七言律

誰道青氈是薄遊平原文學舊封侯山連雉堞
千雲出江繞鱸堂帶雨流撲酒梅花飛玉笛送
人柳色暗津樓長楊好向閒中就旦晚徵車漢
主求

十七日招張長輿唐一卿唐仲言顧君法

沈茂之顧彥初小集

尚餘栢葉借尋盟短燭猶分火樹明把臂但須
身共健啣杯何必月常盈星占客政當春聚典
到詩兼卜夜成最是詞壇饒勝事張平頭白擅

才情

酬贈趙彥中博士

藝壇聲價重連城猶抱陵陽恨未平隨牒漫同
秦博士談經聊共魯諸生卽看奏對行金馬別
有除書白玉京好借暫時桃李色燃藜并向筆
端橫

杜獻琰

臨川任歸將抵雲間適風雨難行得寬字
十載風塵一夕寬朝來無事可三竿少年裘馬

七言律

七言律

百

杜詩
情偏切老去雲山性與安三逕重教松菊茂九
峯何事雨烟寒夢迴遙憶臨川道彷彿衣冠冰
署看

杜開美

送夏登之親家赴南祠部

帝悉思尊憶故鄉舊京仍詔暫爲郎分曹南北
俱蘭省借劔冰霜滿皂囊梅點春江波乍綠鶯
啼粉署柳初黃石城試向長安望蔽日浮雲漸
渺茫

送趙升之春試

長風飄渺羨雄飛笑指雲帆拂曙暉遠道漸諳
鄉語異壯遊寧惜故園違帝城春樹迎珠勒客
舍宮袍當綵衣爲問公車誰第一少年經術似
君稀

送陳子有先生督學中州

絳帳遙臨二索開衣冠應盡洛陽才論文夜雪
飛梁苑吊古寒雲繞吹臺冰鑑借糴司月旦先生

曾爲南銓部霜稜行見凜風裁中原鞭弭周旋地潦

倒康成首重回

訪劉子威先生

久辭簪紱絕風塵短棹重來意轉親
白雪獨高千古調紫芝長伴五湖身
何當倒屣煩先輩更許雕蟲屬後塵
今日立亭勤問字肯將巴唱負陽春

寄王百穀徵君

徵君龍卧闔閭城不羨長卿入漢京
塵尾婆娑聊玩世禪燈幽寂借藏名
蒼山半壁遊仙畫青

眼千秋國士情知爾賣文堪貰酒
欲移单舸聽流鶯

從嘉定抵郡卽發不及走訪孫允執陳眉

公李士強施叔顯俞伯揆却賦

百里烟波送夕曛帆前山色故鄉雲
江城容易經年別襟袖還憐咫尺分
愁向桺絲縈繾綣欲憑鶯語報慙慙
不成見戴空乘輿搔首聊爲咏五君

秋日同孫君聖喬若序過叔祖淡圃園林

索飲得黃字

秋老林容荏荏黃山家隱約浣溪莊入門不問
能投轄選地狂呼促舉觴橘柚未霜含野趣芙
蓉吐艷怯新妝寒蛩落照催人散餘興還拚典
鷓鴣

再柬繕部朱季則丈

秀句芙蓉色可餐轉令人欲讓登壇豈容多病
文園老漫遣閒愁鹿夢看白眼風塵高伏枕青
雲吾黨會彈冠遲君起色呼醇酎紅袖篔簹卜

夜懽

春日浦上逢黃門敬新叔夷陵淳臺叔子
厚弟遂同舟南下兩叔復中道別去仍
訂過從之約

輕鷗晴泛漾波紋指點潮生日未曛正憶入林
虛有約偶當問渡慟離羣扁舟客聚同春色南
浦帆分隔暮雲把袂豫憐期把臂平原十日肯
辭醺

贈殷比部無美

七言律

七言律

七

拂袖歸田賦早成五湖何必減承明自來寓內
稱才子晚向江東號步兵塞馬不妨供悟幻海
鷗翻喜得尋盟雄心綠酒銷堪盡肯以蒼生起
宦情

春日過恂如從叔園亭有作博和

到來疑似輞川莊古木清溪路渺茫亭廠盡堪
窺竹翠人間真若對羲皇書堆滿榻兒能讀鳥
度芳林語亦香莫惜春光看漸老薜蘿吾欲借
爲裳

壽叔祖鈐之七十

誕辰八月十四

征南傳癖自當年老至猶矜匣底絃鷄肋豈勝
持蟹醉馬蹄應讓狎鷗眠青緗業剩孫謀遠白
苧歌成里社傳黃菊正芳鱸正好綺筵長對望
舒圓

茅山抵家有作

青雀西飛千里行春江兩岸聽啼鶯拾將瑤草
尋仙侶開遍山花送客程偶去暫違黃浦月歸
來仍傍赤烏畊入門把臂紛相問爲說烟霞橐

裏盈

村夜坐雨從叔公圍過集分得衣字

孤村雨色暮霏微誰似衝泥興不違客到茗烟
初泛綠尊開菜甲乍含肥山花紅映偏宜蠟竹
葉青浮欲染衣語劇不知宵漸午彩毫猶向醉
中揮

秋日同陸際卿劉次舒陸公及遊煙雨樓
阿閣孤懸繞綠波千家礎杵隔溪多湖光遠帶
寒烟合雲暗翻疑細雨過鳥外帆檣連雉堞曲

中款乃雜笙歌登臨笑指錢塘路萬頃晴川一
葉梭

過錢塘寄楊孟圖親家

錢塘此日勝河陽奏最移官傷故鄉雙鳥風雲
行紫闕六橋花柳盡甘棠地當鄰會仍遊泮山
近衙齋對舉觴野服不堪煩倒屣煙霞倘許恣
徜徉

寄從弟道執黃門

宮花又傍錦袍明幾度春光帝里更人憶燕臺

當去雁書來吳苑正啼鶯衣冠末路歸朋黨禮
乘中真屬老成莫道厠踰須自滌乾坤板蕩待
持衡

同朱季則劉次舒陟通明閣有懷黃長卿
顧仲韓王伯元

振衣層閣俯江流今古烟雲莽自浮雉堞甍城
明落日烏檣瓜步見停舟蒹葭滿地懷人感波
浪兼天動客愁廿載壯心成底事不堪南北望
悠悠

春日泛舟訪四叔君權

風緊煙寒一雁哀懷人春水片帆開梅逢野寺
香微度柳向江干綠漸催爲問著書成幾許可
曾留客笑千回床頭知有如澠在單舸何須載
酒來

暮春雨中黃長卿喬文起王伯元顧仲韓

朱叔履小集西園仲韓有作依韻酬和
一區聊學百花莊市遠留賓野席張鶯語乍闌
麝燕語盃光浮碧膩山光城雲抱閣遙添岫竹

樹窺人細吐香吾自墻東甘小隱敢言丘壑道
難忘

杜士領

出浦

大浦秋陰午未開南風吹浪拍天迴漁舟解纜
迎潮出江市含烟待雨來洲遠遙連龍伯國雲
多隔斷越王臺白沙青草愁何限古岸無人問
劫灰

丹鳳樓

丹鳳危樓海上城朱欄碧瓦映波明江含秋氣
濤聲壯雲滿滄洲樹影平香稻未登租賦急羽
書稍歇陣烟清春申舊跡惟流水珠履猶傳愛
客情

初夏過去華弟梅園看花

梅園春歸梅子肥江梅葉暗柳依依藤花雨過
落如雨荷芰衣輕香滿衣樹裏鶯聲頻睨睨階
前雲影更霏微主人心在烟霞外危坐匡牀已
息機

同幼白弟泛湖

新雨新晴好泛舟
水深風穩任彝繇
蒹葭欲動蘋花落
鷗鷺羣飛楓葉秋
山色照人明可愛
湖光蕩楫靜消愁
隨波不覺歸來晚
烟柳朦朧月滿樓

杜士全

和南昌劉貞白相公扇頭見貽之作

自喜懸車賦考槃
東山逸興寄猗蘭
累朝燮理頭還黑
數載塩梅鼎未寒
綸閣久應歸衮舄
渭

濱詎許老漁竿
朽樗何幸傳書訊
且向江湖問鵬冠

元旦念欲乞休

一序閒心逐野鷗
乞身何必待諮謀
三朝遇主官仍曠
四世蒙恩國未酬
已覺華胥終是夢
更慙禳社早宜休
江頭滿眼相催浪
肯以虛船犯急流

送少廷尉彭芹生入賀聖誕

瑣闥曾高抗疏名
春風幾度鳳凰城
懷忠自握

千秋鑑祝 聖何辭萬里行馬首丹楓飛驛路
關門紫氣入燕京追趨曉漏當年事徙倚河梁
此日情

姚儼吾親家送別西郊約以新秋見訪過
期不至詩以問之

西郊追送思悠悠許我山陰雪夜舟獨客江鄉
誰晤語懷人天際足離愁淒涼夜落梧桐月蕭
瑟風惹玉露秋一水蒹葭京口路何時來作鳳
凰遊

同侗初張宗伯機山錢學士李園遊咏分
得翁字

窈窕溪山禁苑東芳菲桃李若爲容泉聲噴薄
鳴幽澗花氣氤氳動晚風僻徑喜來金馬客春
遊媿我白鳧翁秣陵何處無佳麗若個搜尋到
此中

午日久雨乍晴陰雲旋合口占呈操院熊
壇石公祖

積雨蕭齋水氣寬時逢令節強爲歡沽來濁酒

須成醉折得榴花已倦看坐柳新鶯愁並濕籠
煙踈竹帶餘寒水門寂寂無人叩搔首長空正
渺瀰

八月望夜張侗初少宰姚岱芝奉常攜酌
銓部文園與家弟彥恭話別

秋水伊人悵欲邀一樽相對醉名葩乘槎泛月
狂難禁把臂談心興轉賒是處今爲東道主却
疑前是少陵家愚兄弟皆曾林中對景今何夕
馬首明朝看曉霞

秋日同歸春陽年丈飲雨花臺甘露閣
盤旋一徑入珠林窈窕山樓氣鬱森臺有花飛
晴亦雨窓因竹偃晝成陰雲光已覺逢秋淡飲
興偏于弔古深與爾同官更同調啣盃終日共
披襟

九月初三閱視外城遊弘濟寺

高閣臨流鎖白雲渚涯秋色莽紛紜洲橫蘆荻
迷芳草風送帆檣趁夕曛岸葉飄蕭江欲冷雁
聲嘹唳客先聞茱萸已熟重陽近望斷天涯落

帽羣

答贈陳眉公

逍遙物外儼滄洲白首青溪狎野鷗
猷訖只知堯舜樂江湖偏隱廟堂憂
巢繇豈是無經濟管葛須知裕壯猷
早晚非熊驚入夢蒲輪應向五茸求

和朱蘭峒年丈金陵四十景

選二十首

石城霽雪

因石頭山整鑿為城孔明謂石城虎踞是也

江城雪色曉逾新
晶晶寒光入望勻
二水波平

漚盡鷺六朝松老玉為鱗
橋邊驢過來詩思陌上風
翻點素塵御氣欲熏晴日麗
瑤林瓊島恍疑真

秦淮漁唱

受方山疏鑿之水通入大江因秦皇所開故名秦淮

王氣冲霄鑿尚存
滌洞一水浸城根
流波暗咽秦時雨
邀笛爭開晉代樽
風送笙歌藏密柳
月移欵乃到前邨
皇都春靄桃源在
何必滄江隔世喧

白鷺春潮

太白詩二水中分白鷺州即其地也舊有賞心白鷺二亭

江漲雲蒸莽自連州橫芳草望芊綿春天已覺
風光媚勝地還須景色偏鷗鷺羣飛天際落帆
檣接跡浪中還孤亭遺址今何在在我欲憑虛問
謫仙

弘濟江流

寺名弘濟在府東北山腰嵌置
臺殿俯臨大江

千尋峭壁遡岷峨萬里江流遶殿過僧舍嵌巖
巢亦穩客舟乘浪葉偏多蒼茫雲水堪娛目俯
仰乾坤自放歌把酒不知天塹險有懷千古醉
陽阿

平堤河水

湖名玄武劉宋元嘉末有黑龍
見故名中有洲置庫以貯圖籍

大澤魚龍吹白波大堤直接鍾山阿漁郎一心
欲舉網舟子謂公無渡河好鳥問關坐翠柳香
風颯爽來青荷中流册府蓬島近那得舉足投
汀莎

牛首烟巒

山有二峯東西相對晉元帝作
宮殿玉導指雙峯曰此天關也

雙峯雄峙鬱崔嵬平楚蒼茫入望來磴繞千盤
凌疊巘樹高百尺蔭香臺浮圖縹緲丹青近絳
闕嶙峋碧漢開呼取一樽收萬象帝京咫尺有

蓬萊

杏村問酒

村與鳳凰臺相接老圃厭人跡
踐伐杏為薪僅存什一于千百

酒旗風捲傍高樓躡屐欣聞喚婦鳩有鳥忽飛

春社過誰人不作曲江遊無邊花艷堪同醉何

處糟醕擅一丘逐客未須勞斬代枝枝還自出

墻頭

謝墩清興

在承慶寺前環繞沿城清涼諸
山每春秋晴明遊人畢集

山郭重重繞翠圍深松茂竹綠陰肥橋通朱雀

花飛恙徑密鳥衣燕自飛更有黃鸝當鼓吹便

高蟻屐轉霏微城頭一片金陵月曾照安玄扶

醉歸

棲霞勝槩

藥草可以攝生故名攝山大江
週迴雲光映帶以棲霞名

宛轉江流抱攝山徐徐高步遠人寰即巖為佛

開靈境採藥成丹足駐顏雲護珠林垂燦爛樹

藏烟壑瀉潺湲晚來更有悠然趣月色波光共

一灣

雨花間眺

梁武帝時雲光法師講經于此
天為雨花

僧來趺坐演三車天向平臺散五花江上白波

七言律

七言律

七

浮匹練山間紫氣湧層霞誰從琪樹知僧臘強
半春風度狹斜回望茂林修竹處夕陽影裏落
飛鷗

天壇勒騎郊天之所繚垣之外馳道坦夷最堪驅騁

馳道弘開象闕東長林深護玉虛宮翠華久息
空壇迹雕輦曾迴細草叢新柳自隨春水綠卿
雲常帶晚霞紅天衢不似人間世緩着歸鞭度
晚風

靈谷深松在鍾山東南為寶誌公葬所梁時一龐眉叟自稱山龍俄而一

沼湧出即入功德水山徑萬松森立中有琵琶街羣鹿遊息

上方臺殿鎖深松幽徑能潛野鹿踪石罅自流
功德水僧鳴始識景陽鍾空塔絃調彈仙樂古
木枯鱗半老龍往事悠悠殘照裏江臯千古見
羣峯

清涼環翠山頂有翠微亭南唐所建又有暑風亭乃李後主避暑殿故址

矯鳥凌空躡翠微羣峯羅列儼重圍吟風臺榭
銷長夏印月蒲團冷夕暉竹嶼暗藏飛鳥路僧
家清供北山薇市廛不遠紅塵隔一任雲中錫

杖飛

鍾阜晴雲

雲霞蒸鬱王氣所鍾孔明謂鍾山龍蟠是也

一龍蟠據飲江流有滄雲蒸鬱未收借日光華

常爛熳隨風舒卷自春秋鼎湖勢與三山壯靈

鷲睛看五色浮應是驪頷嗟淑氣氤氳常自繞

南州

宿巖靈石

在府北靜海寺內宋破金軍于采石回舟繫泊故名三宿巖

大江春漲湧層巖平陸胡然見石帆曾有舟師

擐甲胄至今兵氣凜松杉桑田已作祗園址峭

壁還將往事鏡陟巘更窮千里目海門夕照晚

將銜

青谿遊舫

吳鑿東渠名曰青谿發源鍾山接于秦淮南朝鼎族多居其上

九轉青谿地脉分先朝甲第綴如雲笙歌隱隱

春聲細簾幙垂垂日影曛宿水烟雲飛鬢鬣夾

城花萼吐氤氳蘭橈曉夜鳴榔過習慣沙邊鷗

鷺羣

星岡飲興

一名落星墩唐李太白以紫綺裘換酒為歡卽此地也

抱郭橫岡遠市塵黃公壚上冶城春星精散落

七言律

七言律

元

餘卷石雪浪高翻接漢津沉醉百篇終玩世獨
醒千載見何人自來文酒兼豪舉典却衣裳興
亦新

莫愁曠覽

在三山門外昔有妓盧莫愁家于此

莫愁已去尚留湖湖水汪洋繞舊都想像當年
傾國色分明掛幅浣紗圖波心月照晴堪賞樓
外烟迷雨亦娛攜酒名園歡未足扁舟還擬泛
菰蒲

花巖星槎

昔嫩融禪定于巖間大雪中開二奇花併百鳥獻花故以名巖

洞天福地有神靈孰遣銜花衆鳥停定後禪心
神變化坐來品物幻流形嵌空亭榭棲雲白絕
壁莓苔帶雨青自是星槎難得到何年此地熟
黃庭

冶麓幽棲

吳王鑄劍之地晉謝王同訪悠然有超世之志今建朝天道院

勝地千秋在帝都紅塵飛不到衣鉢吹笙夜冷
緜山月笙鶴之聲遍滿山麓
煖石春融鑄劍鑪祗覺虛空
遊碧落卽看清淨擬水壺當年王謝存遐想何
必閒探五岳圖

杜士基

送從兄袁度內翰北上

尺五名高閫闔傍彩毫沾得紫泥香
彈冠色借風雲潤瞻袞親依日月光
執戟東方容大隱題橋司馬好爲郎
拾遺舊事猶堪數三賦懸知蚤擅場

長安新柳次胡質甫韻

春光一度報芳菲御柳初舒日漸肥
籠得鳳池烟澹澹影將燕市月微微
新聲幾處堪調管嫩

色千絲欲染衣張緒風流君得似攀條應上玉
河磯

同伯兄入河間雲樓從叔署中暢飲賦別
瀛署停驂早放衙天涯相對若爲家
開尊會擬竹林聚飫飲何如棣萼嘉
門外風塵淹客况眼前雲物近京華
萍踪忽漫難爲別指顧東窓日欲斜

立秋日旅泊吳門馮五玉招同張子念朱
文季蔣益之施叔顯周鳴之讌集舟中

卽事

乍轉金風欲薦涼
蘭橈容與綺筵張
清尊漫引堪尋勝
白苧新翻獨擅場
燭影遙隨星影亂
櫓聲還接漏聲長
不緣地主能投轄
高會那期水一方

題李節之舊雨齋

通德名高舊署門
風流只合此中存
林依雉堞丹霞映
壁掛龍泉紫氣繁
慧日光中聞唄梵
節齋隣本春風坐裏拂琴尊
賡酬不少青蓮句
同禪院

調於今孰與論

壽何繩武七袞

法曜曾瞻越嶠明
息機早已洞長生
東山卧穩名逾重
北海尊開意倍傾
鉛槧千秋垂壁府
園林一望擬蓬瀛
當堦更喜芝蘭燁
三祝華封歲幾賡

送李峻甫侍御還朝

徵書一自出函京
柱下名高倚太清
豈以埋輪屬後乘
請看守閣著先聲
鮑駘應遣都人避
仙

鷓鴣爭誇景倩行遙想
所垂注久可容萊服
緩主程

小春日從衡臯叔圃中分得牡丹賦謝
名花移得浣溪傍不數洛陽舊紫黃已覺雕闌
生氣色尚餘蓓蕾待熙陽芳華夙譜青蓮句旖
旎徐新飛燕妝况是竹林旋作主好攜春釀酌
東皇

杜士重

次大司空伯兄予告還山之韻

風拂紗窓竹影移琴聲鳥語總相宜堂開綠野
松筠想社結耆英鸞鶴姿抱膝自吟梁甫調披
襟每作去來詞浣花溪裏饒佳咏今古重傳工
部詩

立春後二日登樓觀雪

嗟峨高閣迥臨溪極目紛紛思欲迷柳絮恰隨
春色至梅稍先傍月華低天廻玉壘羣峯並地
接銀河衆壑齊誰似郢中開絕唱灞橋驢背有
新題

喜司馬三兄小集席間賦贈

吾兄博雅繼當陽武庫家聲裕後長麗藻自來
窺虎觀韜鈴端不讓鷹揚樽前壘動箎猶合雲
外鴻飛雁亦翔取醉不辭今夕永須知帷幄待
籌商

杜士望

戲詠白蝶

倚簾依檻態翩翩拂草穿花色更鮮圖就滕王
辭彩筆飛來唐苑是藍田月明好伴空梁去帳

暖翻疑過剡還一自何郎憔悴後輕狂只逐野
蜂顛

已未六月賦送孟符姪率甥之金華司理
署

縱橫彩筆壓詞曹書記翩翩意自豪詞有雙龍
遊履徧灘行七里客星高鄉心翻笑思魚鱸交
誼從淡感綈袍愧我殘編空自守相逢何日吐
牢騷

杜士益

七言律

七言律

七言律

與同初兄遊南雍會彥恭兄北上京口送
別步韻

向夕斜陽映水濱
天涯翻喜雁成羣
晴江此夜帆前月
芳草明朝馬上雲
振轡燕臺看市駿
曳裾虎觀愧論文
行藏是處嗟岐路
握手啣盃不忍分

喜從兄道執甫擢銓部旋轉諫垣

數載鳴絃化理均
湘江越水澤猶新
曾令大冶海鹽兩縣
方承天部真仙吏
旋簡薇垣作近臣
要地持衡

堪補袞讜言
簪筆羨批鱗
從今直上匡時畧
頻看封章進紫宸

杜士冠

元夕袁度兄齋朱季則黃長卿陳子有張
叔翹同集雲樓叔先去不與賦此志懷
火樹橫空耀九枝
欣同良夜奏埙篪
綺筵高會銷春酒
草閣縈懷寄小詩
月向圓時憐更好
人從合處惜相離
追陪翻覺感星聚
回首竹林勞夢思

杜士漸

癸巳秋夜同朱元起王公望陸偉人郭賡
虞唐易生集敏則姪孫齋賞荷花茉莉
元起有作勉爲效顰
悠然雲物靜迎秋竹舍蕭疎暑氣幽雪瓣正從
筵外散紅粧偏向座中收天高露冷清香出林
靜風輕綠葉浮此夜芳菲堪贈句碧霄明月爲
君畱

杜士雅

和董宗伯玄宰山居禱興

強健天容恩已覃高懷更謝俗情參
睡魔降處知茶敵詩癖成來度雨堪
獨向衆中堅抱一差從靜裏獲函三
幾番花事全供醉檢點新年着意探

其二

久矣刀錐不入談何須雙耳洗清潭
貧從稼穡畱經濟老向河山定苦甘
敢擬徵君勞辟七差同高士謝游三
男兒肯放鬚眉負終有靈文啓

石函

其三

尺水聊容一殼庵勝情幽事苦難貪天聯芳草
春方半月出澄江秋正三結客少年我已倦懷
人千里夜何堪閒中自咏離騷句欲採芙蓉湘
水南

其四

熙朝奕葉忝冠簪炙背惟將聖主談閱世醉中
堪自隱置身羅外有誰貪物情迥異百千萬法

相叅同五十三學道祇今猶墮懶無聞虐負半
生慚

其五

序屬鶯花春正酣茶芽出焙笋尤甘不夷不惠
神俱往如阮如稽品共叅何用逍遙真嶽五偶
然遊戲演車三悠悠蟻夢誰先醒豈以身名賤
故慚

其六

山石遙移疊遠嵐悠然卧對小終南趁閒作伴

七言律

七言律

七

雲千朵垂老相關佛一龕每恠長宵偏睡短只
從良友話更三情根近已消除盡得景猶將詩
境叅

其七

識得乘除理數諳功名塵土有何甘往時列社
安樗櫟今日掄材謝梓楠詩道如秦關墨百人
情似楚戶張三野夫遯迹歸何事笑傲春風雪
一簪

其八

漁家村社習春酣無數桃花洞口含對鏡憑誰
驅白髮推窓長自望晴嵐慵探豪爽牛心一笑
看英雄鼎足三寂寞玄文罷草後千秋知己憶
桓譚

其九

行遊曾不藉輿籃竹杖芒鞋信所探石瘦一拳
我與二竹陰千頃徑開三直思遁迹北山北暫
寄荒廬南郭南自謝風塵高卧得茗爐香燼伴
經函

其十

水石盤桓勝賞諸
隔離鷄犬互來參
酒盃到手狂難定
歲序驚心老不堪
懶問皇都雲擁五
夢遊仙闕島藏三
過從盡是煙霞侶
世外無羈縱
所談

杜士肩

壬申里選我家泮
遊七人垂髫者六
大司空伯兄戎部
三兄喜而有咏勉
爲步韻鳳詔啣來
選俊良五花蹀躞
競飛霜詞場快掃

千人筆馬首爭看
年少郎八座正承
天子澤一經叨侍
聖人傍泮宮此日
紛芹藻杏苑誰當
蚤吐芳

杜文煥

李本寧劉恩徵兩
觀察過集煙駕齋
改席投轄亭賦答

春色霏微入塞垣
漫臨烟駕羨華軒
入林把臂清狂甚
投轄開尊樂事繁
檻引清流穿石井
屏開丹嶂繞蓬門
一時勝會千秋業
驚座風流萬

古存

請告得 旨志喜

病滯江陵意氣沉忽聞天語喜長吟五當衝鎮
臣才竭四賜閑居 帝澤深敢戀煙霞甘放浪
祗因霜露苦侵尋玉關幸許餘生入報 主娛
親總一心

奉贈史大中丞拜右司馬總制三邊

廿載神交仰大名茲焉面覲遂儀刑黔陽駿烈
廻天地朔徼鴻猷槩日星乘暇登高堪作賦有

時座右亦題銘即看節鉞青冥下五鎮三邊享
太寧

告歸故里率諸宮保子姪恭祀先世祖塋
二百餘年徙析頻邊陲吳下邈難親一盃聊瀉
椒漿獻八葉重看俎豆陳華表鶴來應有字堂
封松靜不飛塵先靈自此皆應妥牲鼎源源好
致禮

辛卯夏日過公懋村庄與諸弟姪宴集示
我堂分得天字

南宋相承十九傳西霞星聚共長筵歷年水木
清華遠累世衣冠德澤綿此夜尋常吳港月當
年尺五杜城天由來詩是我家事看取珠璣照
簡編

寓居干巷承曹峩雪宗伯見過屢贈律言
步韻書答

才名繡虎著江南惟德成鄰自普庵昔向木天
持玉鉉今來寶地啓金函出征入輔姑閑却大
覺重玄且細叅更喜山中芝累秀相從採茹不

雲間杜氏詩選

七言律

同郡

朱在鎬周望氏

徐允哲西崖氏選閱

京兆後裔杜世祺以介氏

同姪弘瀛臣谷氏輯

杜元會

巳酉七月望後山荆稀齡誕辰漫成一律

菱鏡相看霜鬢侵蓬門松竹碧雲淡齊眉案有
長春酒借隱堂餘十畝陰我挾一編鋤硯圃爾

七言律

飯三昧誦梵音庭前幸習箕裘業永日相將伴
獨吟

館別

寒輕樓外市煙蒼日映簾前海霧黃凍色漸舒
官柳綠春光已逗野梅香經年聚首難爲別對
酒行吟樂未央轉眼韶華重引興芳菲滿路棹
相將

別子瑜弟

一浦盈盈悵各天幾回夢想淚潛然九原劍履

星霜隔五世箕裘絕續懸吾病久淹悲伏櫪爾
年猶壯可加鞭獨憐少小雍容地滿目風塵似
塞烟

杜元楚

金山寺晚眺

孤峯天半湧樓臺萬里河山四望開雲護窓扉
藏貝葉風傳鈴鐸近蓬萊六鰲橫海青山出五
馬浮江紫氣來日落滄州何處是漁舟晚唱使
人哀

贈友

塞上寒雲冷萬家經年遊子滯天涯三春又送
南來雁八月虛浮海上槎病臥青山生桂樹歌
翻白雪落梅花會稽山水如相憶明月孤帆到
石耶

杜元杰

燭花八詠

綺席宵分燭影橫酒卮花映倍含情不勝急鼓
催初放却倚清歌緩自生風細故延春色麗月

斜偏闌夜珠明西園公子能畱客好續芳菲到
五更

右賓筵

賦就凌雲意自雄墨花飛映燭花紅吹噓不借
春風力爛熳疑分造化功文采舊應占蠟鳳光
華豈合競雕蟲中天奎壁還相照知爾驪珠在
握中

右文場

寶炬熒熒繡佛前春枝幻出總依然色叅淨土

本言
原無樹火到空門亦種蓮墮頂豈應沾實相破
顏倘亦悟真傳由來炎窟煎熬者開落難消一
指禪

右禪房

花生燈燭景熒煌匣底芙蓉競吐鋈映徹素華
偏有艷飄殘丹桂不聞香彩毫乍入江郎夢藜
杖疑分太乙光坐久莫愁寒燭短文章原燭斗
牛傍

右書齋

千里迢迢客夢賒醒來絳蠟已流葩未傳故國
三秋信先報幽窓一夜花靜數漏殘應不剪動
愁風落更相遮床頭命酒還酬汝睂色重重結
紫霞

右客窓

羽林萬竈簇雲屯列炬高燒朗月昏暗長金蓮
添夜色恍疑玉塞度春溫劒花拂處光相映笛
橫吹殘燭獨存應有空閨同入夢凱歌指日報
天闈

右軍營
花信青樓夜不遲
枉教燒燭照春枝
乍看絳玉流輝處
恰似紅牙按拍時
色妬榴裙虛自掩
光羞桂魄莫相隨
流蘇帳煖良宵短
拚得尊前帶笑吹

右青樓

寂寂花時獨愴神
無端燭影解撩人
丹英黯黯知無主
綉幙陰陰別有春
膏擁絳圍疑閣淚
烟霏青燄對含顰
夜深更着紗籠護
想到蕭關信

已真

右空閨

杜元方

立夏日維揚道中有感

年華苒苒逐征人
乍轉朱明物候新
柳色更添淮水綠
花枝憶別廣陵春
絺衣未改客裘敝
紈扇欲清陌路塵
可是鄉關猶咫尺
無端交集轉

傷神

題觀我徐吏部葵圃

七言律

七言律

五

太末城東姑蔑墟名園景色有誰如青霞舊是
靈仙窟綠野仍開揆地餘興引尊鱸秋思遠談
淡風月夜窓虛江湖豈得忘廊廟謝傳東山未
穩居

杜元良

登丹鳳樓

海天一色倚雲梯飛閣層城翠嶂齊百里牙檣
帆影亂萬家烟火夕陽低風高南浦鴻成陣斗
轉吳江鳥夜啼不盡滄桑空極目凭高還憶舊

灤西

昔家少陵居灤西今從伯表度於西城亦有灤西草堂故及之

塞上曲

榆林關外駐征鞍大漠風塵倚劔看萬里清笳
鼙鼓暗十年歸夢驛燈寒沙飛絕塞雲常暝春
入邊城雪未殘聞道折衝開募府饒歌何日向
長安

咏柳

春郊柳色接平堤樹樹驚看嫩葉齊漁艇橫披
野岸曲酒帘斜拂畫橋低輕風古道畱鶯語細

雨津亭送馬蹄却憶玉窓幽夢醒幾回長笛翠樓西

杜元馨

五句自述

生浮半百卧林丘避跡甘爲麋鹿儔知己詩篇聊唱和弟兄樽酒共綢繆庭餘綠草看生色壁繪青山當遠遊自醉自歌還自放蕭然世外一輕鷗

杜元鑣

辛卯小春送李方思表兄北上

簪纓祖澤望遙傳此日蓬瀛步獨先香繞玉爐烟裊裊馬驕金勒草芊芊青雲鼓翼三千里夜雨盟心二十年努力功名膺帝眷作舟藉爾濟平川

隄風燕子磯同德公康侯兩姪登眺竟日怪石穿空倚怒潮松聲萬壑正秋驕徐看烟火林邊細笑指雲帆檻外遙千古河山供塊壘幾朝事業付漁樵漫將杯酒酬江月澆盡雄心未

肯清

霞城表兄村居落成兼有弄璋之慶

東山久矣任雲眠卜築初開小有天
柳岸黃鸝喧午榻桃溪新雨漲春泉
門懸泖水帆千點牖拱余峯雪一拳
更羨鳳雛怡掌上藍田香靄玉生烟

寄施研山司李江右

帶潮新雨漲扁舟此日郵筒問遠游
鶴影一簾花霧合麟符萬里海雲收
故人猶是高陽客芳草空懷下里謳
爲道相思縈夢寐吳山楚水共悠悠

杜元臣

水月菴側驗禎橋昔曾傾頽伯祖伯武鳩
工重葺迄今年遠日圯與以介姪孫力
倡復構工竣題紀

輻月危梁俯碧川百年舊蹟頓荒煙
忍看白日褰裳涉重見蒼龍跨水懸
隔岸磬傳秋色裏凌波入渡夕陽邊
富平勝槩吾家事此日經營愧

七言律

七言律

八

昔賢

杜元凱

潮頭

坐向清江欲盡頭
何人排擁海門秋
羣龍有戰方憑怒
野馬無心不慣愁
兩岸雪濤千里色
百年身世片帆遊
少陵詞句傾三峽
浪逐波臣恨轉悠

杜元期

蘇臺懷古

蘇臺寥落錦帆賒
綠水緣城映晚霞
劍客酬恩仍有塚
美人去國已無家
烟消香逕菱歌歇
月上靈巖響屐斜
七十二峯空設險
臨風惆悵暮雲遮

劍池

龍劍雙潛水滿池
波光黯淡影參差
苔封絕壁餘前蹟
花落蒼藤異昔時
山日欲含雲氣合
松風不斷雨聲遲
由來神物嘗難近
未許漁翁下釣絲

七言律

七言律

杜忠期

從弟君命君超君正同年六十欽生姪有
作奉賀依韻志喜

菲堂借隱白雲幽甲子俄看共一周竹馬當年
原並轡霞觴今日復同酬西東灑下三星聚尺
五天邊羣鶴遊爲道臨雍倘問老徵車應向杜
陵求

杜如期

秋夜霞城給諫分韻

澹澹晴光逗晚鍾竹風淅淅和寒蛩侵衣欲問
三秋桂岸幘常依百尺松善病不須憐司馬多
愁聊自臥元龍無端蟾影撩人緒歸夢應知蹙
兩峯

同李士節錢四如沈元貞登奈峯

片鷁西飛刺野塘偶因同調共飛觴林深雨暗
畱鶯話梅綻風清入酒香說劍自憐無白眼名
花相俛勝紅粧可人佳會催詩句攜手層巒半
夕陽

杜如恂

壽太傅焘武伯七十

輕裘緩帶自翩躚
卻縠詩書勝韋賢
立石萬山銘絕漠
磨崖千仞勒燕然
畫圖載去風生袖
枕貝叅來月上弦
誰是地行南極老
一綸收盡五湖烟

杜弘域

步李觀察見贈之韻

驪歌一曲幾迴聞
此去榆西靖氛已
苦分襟

辭愛日更嗟回首
隔停雲塵黃鶴塞
迷鴻影草白龍沙
散馬群幸自席前
常借箸願清甌脫
奉明君

杜蓀

閒居卽事

蕭瑟高梧敞夕暉
幽棲十載故人稀
往來樽酒雙蓬鬢
聚散輒乾坤一釣
磯呼侶閒鷗穿水
出驚秋落葉傷簷
飛更期招隱同知
已好向山中學採
薇

杜 蘅

渡楊子江有感

秋江玉露散芙蓉極目蒹葭野艇從日落金焦
埋虎豹天清淮海變魚龍傷心彼美憑予望擊
楫中流嘆舊蹤猶憶孤帆棲獨夜烟波遙聽廣
陵鐘

杜 啓文

秋 燕

一天秋色淡晴溪燕子重來覓舊棲故壘踏殘

香粉薄隔樓飛傷玉釵低風淒漢殿人何往月
冷烏衣路不迷記得年年春社後幾回浚柳伴
鶯啼

重陽前二日訪桂宿樵雲草堂竹香齋雨

懷

秋期屢訂近重陽攜屐遙來赴辟疆雨過雲堂
樵徑濕風吹桂苑竹生香廿年喜見花同老一
夜愁逢天各方企想高岑方唱和滿城詩思正
蒼茫

九日坐雨懷南梁弟姪

重陽何必快登臨
閉戶蕭疎洽素心
絳葉懶隨烏帽落
黃花喜向白頭簪
他時酒伴雖寥廓
此日詩情自古今
兀坐空齋思弟姪
南梁風雨想俱深

歸舟風雨懷憲副何宗元表叔

作客乾坤豈憚遙
不堪風雨逐歸橈
朦朧遠樹疑朝霧
搖曳孤帆急暮潮
悵望龍門行漸遠
高歌梁父坐難消
自憐華鬢艱雙屐
漫對清尊慰

寂寥

杜啓徵

白蓮花

芳沼涼生宿雨過
亭亭瘦影獨婆娑
露流擎蓋團仙掌
風動嬌姿舞素娥
洛浦餘芬塵不染
渚宮分種雪應多
由來別有凌波色
冷月幽香到薜蘿

宿松楠山房聽雨

簾筍嵒嶮到梵宮
蒼茫樹色莫烟中
夢來零雨

七言律

七言律

三

諸緣淨悟後流泉萬劫空一盞禪燈明丈室數
聲山鳥咽疎風明朝雙屐峯頭路指點溪橋叩
遠公

登泐塔

浮屠百尺入雲烟怒浪排空到檻前日照中流
樓閣現風清四座雨花妍徒憐啣石空填海不
信乘槎可上天讀罷殘碑逢老衲支筇猶說古

由拳

此地係古由拳地秦時陸沉

杜啓旭

奉送舅氏董有仲先生開府兩浙

清秋啣命出蓬萊繡斧聲名重外臺地擁吳山
烟樹合江盤越水浪雲開談兵賓佐梁園客判
牒文章鄴下才最是渭陽情更切瞻依時復望

三台

杜啓慶

送施珍公遊雍

漢朝人望重賢良三策才名爾獨長句裏郢詞
看是雪匣中龍劍拂成霜揚舲驛路槐花發走

馬金臺桂子黃將母應知千里念秋風早晚慰
高堂

杜啓晉

初月

日暮烟消景欲浮清輝初發未盈眸銀河不沒
雲間影玉笛微傳塞外秋作賦未堪游桂苑懷
人空自上西樓升沉自古天難問拙魄先開此
夕愁

寄懷爰詼姪

何事因人學浪游客裝蕭瑟向皇州世情每重
綈袍贈吾道應無肉食謀上國花明巖桂月時當
大吳江楓冷客心秋浮雲悵望長安遠極目時
憑十二樓

杜啓源

京邸寄家郵

不憚馳驅上國游清時獻策等沉浮辭家千里
高堂夢抱病經年少弟愁未就梁園誇雪賦徒
慚洛下剩貂裘鴻音何限殷勤意無奈西風苦

滯留

除夕懷嚴六兄于西山爰諏姪于施侍御
署中

謾言王謝舊風流仗劍飄然賦遠游
司馬無家才自許長沙有策志難酬
玉山夜色環龍塞柏府春風接鳳樓
歲月那堪貧賤老鄉心旅思總關愁

庚戌都門元日

帝城元日歲華新玉珮金珂映紫宸
晴藹迎來

堪卜稔和風到處早知春
天涯椒酒憐游子堂上辛盤憶老親
料得江鄉梅有信憑誰折寄薊丘人

杜啓潢

秦濟公送吳澹菴之任關中歸詩以贈之
咸陽山色聳嵯峨策馬長征送玉珂
秦嶺地高臨絕塞函關天險控黃河
千重雲樹詩囊滿萬里風烟客夢多
莫道遠游渾汗漫歸來尊酒話巖阿

杜爾詔

九日卽事

遙天不斷碧雲飛
佳節龍山興未違
黃菊初開
遲客到丹楓欲染
恰秋歸數莖短髮
羞吹帽
一夜淒風想授衣
醉裏茱萸還獨把
傷心愁數鴈
行稀

壽敏則弟

雁序相依四載餘
草堂深柳近何如
余向在弟
深柳草堂
讀書卑棲愧予難
逢世強仕如君早
隱居龍德用

潛耽竹木鴻儀嘉
遁樂琴書只今紫氣東來近
記取笙歌下碧虛

杜爾強

友人誕辰喜蘭開並蒂

懸弧此日值秋深
恰喜幽蘭拂座陰
一本迎風
徵合德雙莖挹露見
同心旋開空谷吟
成操欲
采沅湘寫入琴
羨爾柄遲尚甘節
不妨明月照
華簪

杜爾諤

病中柬友

誰復途窮問馬卿
涼秋病肺掩空楹
黃花陶逕看誰主
白雪梁園和未成
照眼寒燈書半榻
打窓風葉月三更
幾回虛擬傳雲鯉
愁絕江臯路不平

杜貽永

巖陵

羊裘高臥白雲閒
駟馬安車出漢關
帝座星辰移紫極
故人漁釣老青山
峯迴七里灘形合
波

落三江水勢環
此日重思高士傳
桐廬舊址一追攀

贈隱者

君家舊是避秦人
絕跡桃源問隱淪
海上白鷗常作客
山中黃鵠不知春
蘇門長嘯迴天地
梁父高吟動鬼神
亂後依棲多歲月
兵戈滿眼有垂綸

杜聖生

秋感

岸贖涼霄夜坐深遙瞻河漢獨悲吟月明中澤
飛鴻集風起高城木葉森玩世幾揮滄海淚懷
人空贈薜蘿心燈前忽聽南樓笛欲踞匡床思
不禁

虎丘夜泊

孤棹夷猶下夕陽篷窓潦倒倚空囊山迴梵閣
風幡遠堤繞粧樓烟柳長伏虎巖深林紫翠啼
鳥聲斷月蒼涼樽罍欲瀉溪雲碧時聽笙歌起
半塘

杜亮采

曉瞻泰岱

風塵潦倒滯游蹤兩度征途盼岱宗夜色冷含
明月觀曉霞晴掛大夫松雲端隱約秦封在樹
杪依稀漢峙重何日向平婚嫁畢振衣直上最
高峯

淮陰弔古

十年仗劍憶淮陰弔古還從客路深郭外樓臺
殘榻在城頭風雨暮笳沉長流似瀉王孫恨落

日空懸國士心
漂母祠前芳草綠
千秋猶自說
酬金

秋夜坐虎丘悟石軒

峯頭爽氣乍蕭然
乘興攜尊坐暮烟
欲破浮生
師悟石擬除塵慮
漱憨泉一軒
月色當松杪
萬樹秋聲逼檻前
幾度醉餘鄉夢杳
清歌猶倚碧雲天

杜啓胤

擬賦明月照高梧得聲字

玉宇秋空夜氣清
庭軒步月石苔平
高梧有葉
中宵碧銀漢無波
萬里明天際
光翻鴻鴈影
林端風動輓轡聲
遙思庾亮南樓月
長嘯匡床千古情

杜來遠

書齋移列菊花

一夜西風接素秋
孤芳零落歲寒儔
短籬獨笑
欺霜質荒逕無言
避俗眸
幽骨許隨詩
思老騷英端爲酒盃
浮高人定有餐霞意
卧向林塘漱

放初

渡江

片帆西下曉風清
瞬息波濤千里程
山色迥分南北望
江流闊盡古今情
凌空去鳥隨烟沒
極目浮雲過嶺平
一帶春光圖畫裏
遠遊翻覺客愁輕

癸巳春日從仲父登齊雲巖謁 玄帝次

先內翰袁度韻

朦朧雲氣映朝曦
繡嶺竒峯面面屯
石澗龍聲

森帝闕松風鶴羽吼
天門蒼茫曲徑驅塵想
彷彿層霄見玉尊
自是天開名勝地
人間何處覓崑崙

秋柳

參差猶是帶餘妍
搖落西風起復眠
淡日晴雲啼野鳥
輕陰疎雨咽寒蟬
披來月下花忘妬
斜向樓頭影自憐
一片春心何處寄
漫隨衰草伴

蒼烟

大茅峯謁 帝

七言律

七言律

七

碧流

郡侯李公去任貧民挈壺漿奔送者不下
十萬餘人擁馬首不得前哭聲滿野如
遠慈父感而賦此

時丁酉五月六日

四載于今絕羨餘苞苴不入饋無魚蒼生苟緩
須臾苑刺史甘填中下書霖雨未周滄海潤御
屏先報姓名除江洋泖水流清迹好取聲稱滿
太虛

杜世祺

同景韓欽生德公諸叔遊顧氏東園

行遊不憚訪名園傍市偏無塵市喧曲逕晝迷
雲靄黓橫梁時映水潺湲風廻遠岫松聲古香
滿平臺鳥語繁相對灑然疑世外憑闌竟夕欲
忘言

秋日懷陸偉人并招看新菊

搖落西風歎索居故人詞賦近何如愁來滿野
浮雲隔望去荒林落日疎地僻烟霞三徑草山
深風雨半床書遙憐握別荷殘候今日相招菊

放初

渡江

片帆西下曉風清
瞬息波濤千里程
山色迥分南北望
江流閱盡古今情
凌空去鳥隨烟沒
極目浮雲過嶺平
一帶春光圖畫裏
遠遊翻覺客愁輕

癸巳春日從仲父登齊雲巖謁 玄帝次

先內翰袁度韻

朦朧雲氣映朝曦
繡嶺竒峯面面屯
石澗龍聲

森帝闕松風鶴羽吼
天門蒼茫曲徑驅塵想
彷彿層霄見玉尊
自是天開名勝地
人間何處覓崑崙

秋柳

參差猶是帶餘妍
搖落西風起復眠
淡日晴雲啼野鳥
輕陰疎雨咽寒蟬
披來月下花忘妬
斜向樓頭影自憐
一片春心何處寄
漫隨衰草伴蒼烟

大茅峯謁 帝

七言律

振衣直上渺無端彷彿真人天際看雲護三峯
晴作雨風清萬木晝常寒高崗望去亂坤小絕
壁攀來心日寬山以人名俱不朽烟霞長自擁
林巒

巳亥立春步欽生叔韻

連朝疎雨掩芳辰一夜東風作好春鶯惜新聲
猶怯轉梅爭殘臘漸舒嚙千林遲日迎幽草三
徑晴烟鎖翠筠莫向寒簷嘆蕭索春光滿眼正
宜人

懷九高弟

西郊握手柳初舒別路迢遙千里餘雨雪間關
遊自壯山川涉歷興誰如才多到處堪題句骨
傲何門可曳裾莫戀京華遲獻賦相思相望一
愁予

中秋夜同天植天馭兩叔祖桃葉渡看月
滿城風雨晚來收皓月橫空照帝州六代關山
同此夜千家檀板又今秋孤光冷浸寒江淨清
磨蓬傳古渡幽鄉思不堪共回首碧霄銀漢意

悠悠

秋日懷家岳廣信任所

鴻雁高飛落葉殘
浮雲千里入憑闌
夢連懷玉蒼烟積
秋滿南屏紫氣寒
客裏風霜應自愛
閒來日月好加餐
莫言老大妨遊屐
白髮青山幾醉看

癸丑莫春與仲氏同寶臣亮工叔祖泛舟

余峯王朗士拉遊印周學憲新構園亭
名園窈窕倚山前
點綴林巒勝輞川
雨過鳥啼

修竹逕日遲蜂醉落花天
朱欄繡戶歌聲繞曲澗
平臺水氣連此日登臨
看不極風光彷彿永和年

夏日納涼永寧寺贈大舍上人

金鐸聲聞羨法臺
何年蘭若並崔嵬
雲深祇樹重陰合
風度檀林暑氣開
滿目荒涼悲亂後
一心清淨悟如來
坐深頓覺塵襟爽
月上高峯未

擬回

昔北魏作永寧寺高數丈寺角鈴鐸聲聞數十里

杜世

秋興

陰森草閣敞清秋一枕西風對敞裘
憔悴楚臣香作佩樓遲越士桂爲舟
雁橫紫塞吹笳晚葉落金閨擣素愁
誰道仲宣誇作賦漫將搖落獨登樓

其二

秋江水漲接平橋雨後郊原轉寂寥
不盡涼風吹橘柚無邊寒色暗蓬蒿
星前劍氣憑誰識賦裏騷
竟好自招日落千山橫紫翠行歌幾度念

漁樵

雪美人

瑤臺此夜倚傾城玉質冰姿黯淡生
月白簾櫳微見影風清環珮靜無聲
羅浮夢裏殷勤覓姑射山頭縹緲行
惆悵曉窓晴色好梅花香暖不勝情

杜世祉

漁家樂

梁冲天太保眼韻

雨後烹鮮醉小溪絲竿斜插釣臺西
風塵避世

誰知漢片葦遲潮但聽鷄烟護晚霞高卧穩波
翻春浪掛帆齊畫圖若點桃源趣船自浮沉鳥
自啼

春山曉霽

乍看靈雨沛春田洗盡苔痕曙色鮮樹裏依微
紅寺影巖中繚繞碧蘿烟輕寒不逐晨鐘散細
草爭迎曉日妍四望遠峯圖畫裏鶯聲啼遍落
花天

送伯氏偕郭賡虞進香茅峯

地接峨眉古洞天香風久矣護藍田惟熊入夢
知爲瑞有道同舟望似仙陟此須酬貽穀願加
餐差慰邁征篇歸來載得雲千疊捧出明珠掌
上妍

初秋感懷

竹窓高卧淡忘機萬卷奇書可療饑養拙自宜
容傲骨長貧偏喜製荷衣早知學步全無補深
憊浮名半已非甫欲驅愁秋又至幾回楓葉叩
柴扉

十三日次玉峯喜中秋得抵家

江雲深處是吾鄉此日征帆掛夕陽
與故人詩待月先看夾岸柳移航
名心不爲鄉心減客夢何如家夢長
莫道壯懷行自淺披襟正欲挹天香

姚子苻水別十年矣喜復下榻得讀詩卷

因憶南園共事曾幾何時遂傷老大
援筆誌感情見乎詞

爾我依然舊酒徒相逢誰復笑屠沽
風流不覺

天涯盡詩句驚看海內無白眼原非甘慢世
青雲何處泣窮途與君留得張儀舌且任當年牛馬呼

閩名山記

烟雲嘗繞仲宣樓指顧名山足卧遊
萬里遠疑峯入座半床寒似澗常秋
移情不費捫蘿力覽勝何如秉燭收
最是洞天恍惚處渾如身已遍

神州

賀張子毅秋捷

七言律

七言律

當年三鳳共題名
屈指於今甲
又更家學由來
推步武詞壇
從此見蜚英
雲開碧落翻
黃鵠風起高
秋動石鯨遙
指春明花發處
莫忘桃李待
裁成

杜世裕

金陵立秋夕漫賦

飄零常在帝王州
又值庭梧落葉幽
蕭寺鐘聲
侵客夢
秦淮月色冷
虛樓征鴻未度
雲間信孤
角先催白下秋
嫋嫋臨風何處
笛烏栖一曲倍

含愁

送施侍御硯山表兄還朝

錦纜春風向帝畿
河梁握手共依依
花明薊北
隄驄馬柳發
江南映繡衣
報主兩朝焚諫草
覲天千里奉恩輝
遙知柱史聲名在
直北紅雲近
紫微

九日同友登雨花臺

握手攜樽郭外來
參軍逸興共登臺
天涯節序
黃堪佩江上
秋風雁獨迴
水遶秦淮今古壯山

木言
圍鍾阜畫圖開良辰無奈頻南北幾度黃花
容盃

都門九日送式其舅氏南歸

傾蒲同束薊門衰又值登高唱渭陽虎觀烟花
羅綵筆鳳城風景貯奚囊丹楓千里迎舟楫青
桂三江映驕驪到日故園秋已暮東籬叢菊尚
凌霜

贈溫陵黃子眉仲得駿

蹀躞初從塞外來追風誰不羨龍媒秋高桂殿

先啣轡

時當
秋試

春早瓊林試踏苔千里康莊堪侍

獵十年游覽好登臺不知徒步東吳子何日青
雲逐後埃

杜世雋

送友之越州

春江晴日泛春流楊柳東風送客愁共說三湘
司馬賦重登八咏沈公樓石門花發孤雲遠乍
蒲帆開畫舸浮自昔登臨稱越水五陵衣馬任
遨遊

賀王印周先生舉子

襄王甲第萃嘉祥
南海珠呈照乘光
赤紱朱弧同耀彩
春風玉樹並生芳
由來德種子門厚
自有書傳鄴下香
不特鳳雛堪紀美
竚看瓜瓞正綿長

杜世春

莫春柬傅禹敘

懷袖三年字不磨
江郎花發近如何
商霖已隔當時夢
郢雪紛傳此日歌
無奈瓊枝空憶遠
那

堪芳草正愁多
長思解榻啣杯地
花月娟娟幾自過

同諸子遊石林庵

招提覽勝思悠然
市遠山深地自偏
舊榭忽驚黃鶴去
殘碑猶和薜蘿眠
偶攜謝眺尋芳日
共話維摩駐錫年
時有禪師初至此庵
仰睹慈雲流潤處
紛香雨散諸天
歸途遇雨

杜甲春

秣陵九日寄懷同盟諸子

九日相看又客中故鄉寂寞寄征鴻一年秋色
登高盡幾曲寒江去路窮雨後烟迷桃葉渡夜
深鐘斷景陽宮遙憐知己能相憶零落芙蓉秋
水東

春思

傷心碧草又萋萋楊柳輕烟拂舊堤二月鶯聲
山谷曉一江春水夕陽低尊前玉笛隨風度花
裏紅樓住馬蹄無限閒愁人欲老幾回歸路望
中迷

中秋夜集素心樓中分得非字

寥落長空樹影稀千門秋色滿澄輝庭前落葉
銀床冷臺上吹簫玉鏡飛紫塞經年征戍別明
河萬里客槎歸欲窮王粲登樓思愧我風流故
國非

聞雁

天高鴻雁一羣飛嘹唳南樓月漸微寒影乍驚
衝露起旅愁無限帶霜歸蘆笳吹徹江城度盡
角秋空古戍稀辛苦關山來此地舊途今昔重

依依

杜登春

拜解州關夫子廟

嶒峻閭闔倚青雲
碧瓦丹楹動夕曛
畫壁兩行看百戰
遺刀千載恨三分
層巒繞砌虬成甲
環水澄波唇作紋
瞻拜此生能幾度
中條山下弔孤墳

除夕前一日研山招同巽楓敦四充符諸公燕集海光樓分韻

南倚鹽池百尺樓
光含萬象海天浮
迎神擊鼓酬風雨
送客吹笙達斗牛
爲我驅窮桑落酒
憑君繞夢木蘭舟
天涯聚首歡何極
自愧西征一敝裘

鄧元昭夫子畱寓市隱園樓漫賦

舍衛城中擊鉢過
名園解笈鎖烟蘿
千條合種長門柳
一頃猶分太液波
金谷鶯花秋後少
秦淮簫管夜深多
問竒不厭侯生至
高閣頻開足嘯歌

河東畱別施研山侍御

謠詠何端遂小樊
美人不見坐煩冤
一寒至此心猶熱
四壁無徒舌尚存
彭澤黃花空入望
玉河宮柳暗銷魂
酒酣中夜頻傾倒
餘子悠悠安足論

楊柳店賦贈黃蘭巖先生

叔子遺碑斷岸橫
春風攬轡話中生
溪山歷歷三齊境
草樹蕭蕭四塞城
建議早應推汲黯
知心空復薦禰衡
驢頭日上長安道
石坂崎嶇何

處平

寄黔江兄

老年兄弟見何難
宦况爭如游况看
七載寸心隨夢想
幾番尺素報平安
青雲自合拖鳴玉
白首虛誇理釣竿
爲蠖爲龍真兩得
吞珠食槁不同餐

望嵩山

嵯峨嵩岳亘天中
積翠連雲曉日紅
伊洛水深通陸渾
嶠函山險接崆峒
懸車遙想登封事
停

輒常思洗耳風不少雪亭學道者三花照灼講
堂空

送張子尹之黔江

擔囊萬里擲輕梭江草江花眼底過荆楚秋雲
迎劍佩巴巘寒月狎烟波郢筒啞酒情無限蠻
女吹簫意若何耐得齏鹽依苦宦好聽和鶴共

高歌

杜恒春

贈別張硯銘

當今才望識君宗閉戶經時似卧龍酒態雅嫌
更漏短交情深畏醴泉濃每隨游屐逢花信常
聽微言及劍鋒老友年來零落盡臨流讀易企
高蹤

濠亭遇吳梅村年伯

李郭仙舟遇急瀾五湖東去且盤桓一床詩卷
吟將就滿路琴書墨未殘入座先承寬禮數臨
行猶囑路艱難可憐潦倒披裘客嶺外孤踪江
水寒

贈沈友聖

高人穩卧對清虛
話別郊原到舊廬
季子才華稱故友
休文詞賦擅窮居
客來雞黍加餐飯
屋裏裙釵共著書
此去黯然應念我
天涯常望慰雙魚

贈沈繹堂太史

御苑風清入紫薇
上年曾賜錦貂衣
平明獻賦朝天去
向晚題詩帶月歸
徐穉南州初下榻
李膺北海舊相依
故鄉盡作長安客
吐握慙慙念式微

式微

舟中憶友

盱江灘溜似奔馳
鼓柁張帆無所施
秫酒熟來供旅况
蔗漿寒極解相思
船頭舞浪雙灘鷁
沙岸驚人幾鷺鷥
日落谿山增黯黯
何如花月醉東籬

上王敬哉大宗伯

宗伯才名海內傳
先皇耆舊引高年
國朝拜老推疏廣
當代真儒屬韋賢
北斗秋懸占氣象

東山日靄隱神仙廟堂正藉叅籌畫不似滄洲
卧石泉

杜世模

雪美人

畫閣何緣得見君忽驚庭畔現湘裙冰姿皎潔
愁難近玉質停勻迥出羣月色爭光宜午夜東
風解恨怯南薰瑤姬豈合人間住遲日應知化
彩雲

芙蓉

灼爍紅妝映水湄繁華偏與寂寥期天高木落
深秋候露冷風淒欲曉時太液恩波猶可憶仙
人城闕總堪疑誰能領畧靈均意獨釣寒江自
詠詩

杜廷銓

寄贈孫扶雲先生

漱石枕流蔭薜蘿當年大隱豈能過欲從栗里
看高卧敢向蘇門擬嘯歌竹裏鳴琴塵韻少桐
間趺坐道心多更聞作賦天台勝矯首雲霞滿

七言律

七言律

七言律

曲阿

同沈永錫維周泛泖登潮音閣

高閣凭虛俯碧湍波光激灩水晶寒天開雲麓
長空靜月浸蛟宮萬里寬有客飛觴驚滿座誰
人吹笛倚闌干應知夜半秋潮急回首風烟未
易看

憶昔

荆扉寂寞鎖林丘忽憶趨庭無限愁三策金臺
空突兀十年白嶽竟淹留虞卿著述同遲暮陶

令田園值素秋何日得歸華表鶴清霜碧月共
悠悠

杜弘瀛

丁未夏日同爰諏叔赴試澄江伯鸚陳少
府招飲君山

君山晴望鬱嵯峩叅佐招尋坐薜蘿絕頂高林
盤鶴鶴大江晴日浴黿鼉宦情瀟灑清尊合霸
業銷沉落照多讀罷殘碑猶徙倚隔樓鐘磬襍
笙歌

七言律

七言律

七

張曾符夫子計偕北上與同學諸子限韻

送別

傳望家聲迥絕倫
烏衣甲第喜重新
雞壇秀奪東吳色
雁塔名高異北春
夜月霜橋紆繹路
宮花香雨點征輪
草堂舊有南州榻
待話歸裝笑語頻

介繁包夫子爲弟介玉遊北雍偕之同行

賦此奉送

由來趙璧本連城
爲赴成均入

帝京藜閣文

章推哲弟龍門人
望重難兄方期立
雪千秋業何意乘
風萬里行直北
關河雲樹隔尺書
早晚下春明

新安楊扶曙讀書齊雲巖山房有詩見懷

步韻賦答

新安佳氣滿林阿
靜對名山著作多
理學關西推獨步
文章吳下許誰過
春風入座銷狂飲
夜月開懷起浩歌
萬里青雲君得意
竚看勁翮向天摩

杜詩
失編

杜元培

贈邑侯傳是公父母

東南佳氣拂雲開 帝簡郎官鄂渚來 禮樂當

年叨舊誼 尊公與先君 乙未同榜 文章今日覩新裁 嘉禾

異穗推循吏 合浦還珠重茂才 願切登龍思御

李逢瞻函丈樂趨陪

杜元馨

九日喜晴同朱天襄登元極閣

佳節欣逢佳氣開 清光萬里入樓臺 放懷喜有

陶家酒作賦 慚無司馬才 楓葉半酣橫野岸 芙

蓉遍吐滿江隈 一年秋色登高盡 寄語同人醉

莫回

杜名林

興國署中贈何太尊有感

遭逢何必問升沉 與爾同官賴重尋 共寄素餐

偏嘔血 更遺畫餅獨勞心 從今筆債欣相脫 自

昔文仇悔已深 搔首輒坤堪涕淚 臨風惟有數

杜詩

七言律

三七

行吟

杜麟徵

寄蘭姬

今古閒愁著此身
江林海月味中存
雲流六六天妃洞
夢好三三姑射人
香谷花酣暖蝶粉
離亭柳亂惜羅塵
鳳毛分得詩囊貯
千里春醪一

曲巡

杜龍徵

稀齡自壽

賣藥街頭幾幾年
風塵笑傲足陶然
清虛自覺心源遠
灑落全無世網牽
一卷黃庭消午夢
半窓紅日任高眠
傍人若問長生訣
不是安貧便樂天

杜餘佑

病夜

寒窓病枕夢難成
月白風淒共苦清
何意村春隨漏急
還看野火隔溪明
飄然老鶴垂雙鬢
愁倚荒雞下五更
不寐終宵心自語
遙天不斷雁

七言律

七言律

早

連聲

杜肇孫

秋日泛浦

申江一葦欲杭之宛在伊人繫我思縹緲晴雲
連細浪迷離烟樹間沙湄風迴亂荻秋彌永月
漾輕帆暮較遲載酒歸來餘逸興艣聲掣曳起
眠鷺

杜文孫

金陵九日

隱隱青山郭外斜荒村掃徑問黃花柳蒲拂岸
零秋早風雨催詩得句賒偶踏芒鞋穿翠嶂堪
依皂帽岸流霞臺城幾許荒烟斷遙見叅差數
點鷗

杜世祺

壽樵隱大叔六十

有才淪落感當時荏苒年華雙鬢絲白首堪爲
知己惜青雲寧免一生疑悲歌天地頻看劍高
隱桑麻獨賦詩坐擁琴書忘歲月衡門晝永日

遲遲

同漢來叔過海邑先司馬舊宅感賦

竝騎行吟海上過空庭繫馬起悲歌衣冠自昔
星霜易禾黍于今風雨多燕語年年憐舊巷烏
啼夜夜伴脩柯空留尺五風流邈搖落那堪遡
玉珂

懷黔江弟

自昔分符萬里行星霜荏苒動離情天涯尺素
憑誰寄海內烽烟何日清鹿峽層陰秋氣早岷

江落照暮雲橫年來相憶無南鴈夢繞西樓月

正明

夜來
夢及

乙卯元旦與尹受弟述懷

寒簷宿雨送三餘依舊春風及我廬淑氣幸交
冰雪後窮愁欲放柳梅初還教樂歲休兵革無
復憂時覩羽書取次鶯花堪寄興老年兄弟慰
居諸

中秋夜家季讌集諸子寶田堂賞月余肺
病不赴賦呈徐子西崖

簷前獨坐映星文遙想西堂笑語紛濁酒莫辭
佳節醉高吟應動衆人聞平時對客壘篋合此
夕啣杯襟袖分無分趨陪歌夜飲月明相望悵
離羣

丙辰元旦

陽回曆轉不由人駒隙俄看忽五旬苦憶十年
增白髮恨教多病悞青春窮居無分風雲望老
大頻驚節序新安得普天休戰伐尋梅探柳度
芳辰

杜天鑑

字藻觀

送王約庵邑侯還楚

一片閒心畫舫輕遙山綠樹接雲平挂冠縹緲
煙霞色行李蕭條雨雪聲三異文章雷白苧十
奇惠愛在蒼生只今歸著潛夫論不減當年逢
絨情

同南畝諸子登一覽樓

五茸城外雪初殘偶訪支公半掩關地僻幽樓
堪避世樓高縱目任盤桓浮雲不動諸峯冷落

日如涵三泖寒吾黨疎狂懷庾亮風塵此際一
憑闌

壽寧夫築縣尹

名士烹鮮坐嘯多終朝無事對庭柯琴翻白雪
心如木鶴舞青松化自和瑤草入春迎賜烏水
桃先夏醉鳴珂天風吹下飛瓊曲得似當年扣
角歌

雲間杜氏詩選

五言絕

包爾昌岷庵氏

同郡 張守曾符氏選閱

徐允哲西崖氏

京兆後裔杜世祺以介氏編輯

杜詩

當爐織

當爐織織手月色印蒼苔夜半機中帛寒衣猶
未裁

新柳曲

花飛悵遠別枝畱不忍折願與結同心年年長
伴妾

杜 讀

獨坐

獨坐饒幽趣蕭然一草堂竹添新雨綠花送遠
風香

杜宗範

同朱蘭嶠太史通濟門外郊行卽景

策馬長堤暮涼風動客衣人家流水曲紅樹遠
山微

徐州訪楊鳳岐不遇

乘興彭城下沿流訪故知空勞題鳳字惆悵月
明時

杜宗端

園居四詠爲內翰從姪賦

屬斯詠亦斯我以安我拙觴不必青州咏乃凌
白雪

右鴈咏齋

清虛日以來一榻閒堪據安用踏層冰松風飛
四處

右宜暑亭

移來石數拳雨過偏生白莫謂石生雲還應雲
似石

右片雲石

卜築近城隈栽成花滿屋不必羨河陽恍如入
春谷

右百花居

杜獻璠

和陳子有太僕園亭禱咏

萬卷羅片心千秋懸五指試看起草時靈氣山
山紫

右竹素堂

似遣巨靈手嵯峨插青漢雲來山更重雲去山
疑斷

右過雲峯

杜康故有祠東臯復有亭千秋一盃酒願醉不

願醒

王無功自號東臯子曾為祠祠杜康

右東臯亭

修篁臨曲池徙倚衣裳綠竹枝詞美人婉轉敲

寒玉

右君子林

杜獻琰

重過臨川有感

垂老相知謝凄然感昔遊多情舊時柳搖曳使

人愁

杜開美

風涇曉發

棹歌方入夢殘月逐波明吳越分衣帶鄉心動

客程

問舟子

停舟問舟子何處秣陵城風色朝應好揚帆幾

日程

阻風夜泊青浦

杜詩

五言絕

四

旅泊只孤舟相依但蘆荻風疾夜蕭蕭風和朝
寂寂

客舍苦雨

卽看春艸綠知長故園薇爲語畱晴色征途伴
客歸

杜士全

雪夜宿紅心驛

誰將玄圃玉屑作 帝鄉塵薄暮山頭望瓊田
萬頃雲

和大司空張容宇秋陽方熾一雨乍涼

五更簷漏滴疑是漏聲頻暑滌眠時枕涼生夢
裏人

咏漁父

乾坤無定宅一葉是吾廬浪跡江湖裏絲綸任
卷舒

告歸述懷

多病思田里明時豈掛冠 君恩何日報北闕
屢回看

渡符離河有感

有意除人傑無謀覆一軍大儒非大將能武少

能文

杜士基

文園雅集十絕

閒曹多暇清人寡營退食自公相與避暑城隅息陰

林薄于時新葉出水灌木翳霄披襟而當快風洗塵而過微雨且觴且奕或謔

或莊爰有松舟揚舫擊汰白鳥徐下紫鱗乍跳破荇藻以縈迴遵荻蘆而小憇

雖復滄浪逸興河朔豪情恐亦會心之非遠矣中坐欲起同人顧而嘻曰今日

遊洵樂乎何可無一言賦也偶指柱間標有先少陵竹深畱客處荷淨納涼時

之句遂用韻各次而絕之非敢流連月露鬪玉樹之纖詞亦云托寄烟霞慕金

門之大隱耳

徙倚空亭上涼颺時動竹榻來棲鳳林卽是龍

孫谷

其二

綠陰映戶密當暑避來深只在淇園裏行踪未

易尋

其三

門前無驟馬沙際有鷗盟從此開書帙相將盡

杜詩

五言絕

六

日雷

其四

滿酌金陵酒爲延河朔客不煩陳孟公井底投
車輓

其五

南冥與北冥涼燠不同處試問逍遙遊何從亦
何去

其六

曲沼正雷荷香風陣陣過忽聞林籟起疑是若

耶歌

其七

紅英透綠波美人初浴竟無爲脂粉汗雷此長
清淨

其八

城霞一水明峯影八窓沓欲界卽仙都輒坤大
茹納

其九

柳外蟬聲咽花間蝶夢長徐看織月上入座有

七言詩

五言絕

七

新涼

其十

興劇杯深後神來句屬時風流共欣賞事外幾
人知

杜士望

春日郊行

日暮東風急重裘尚怯寒不知春已半試向柳
條看

秋郊散步

松栢驟吟風群鳥爭噪樹落日淡無光飛雲白
來去

杜士冠

同雲樓叔山前待月喜董玄宰陳睂公至
夕烟山外吐明月座中來知己遙相聚狂歌酣
舉杯

暑月過表度兄園亭

高梧蔽白日清晝不知炎卧起北窓下猶餘夢
裏甜

杜士雅

空庭驟雨

雲淨連天碧
桐陰遶逕幽
一飛南浦雨
萬樹盡生秋

山中訪睂道人

絕壁疑無路
深山忽有烟
白雲迷古洞
人似上皇前

杜文煥

曉行

扁舟凌曉發
桃浪媚蘭橈
夾日丹霞起
彌天白霧消

爲曹峩雪宗伯題畫

抱琴臨別浦
幽意獨閑閑
山暝夕陽盡
輕帆天際還

安邊今昔吟二首

伊昔分符日
紅顏氣概中
折衝持片檄
彌亂掛長弓

其二

卽今持節過不與棄繻同十乘前驅壯三軍後
殿雄

登華岳咏五粒松

青青山上松亭亭如華蓋松子落山中松風散

天外

遊嵩岳題面壁巖

四大非我身况此虛無影我來一仰瞻豁然發
深省

杜元會

夜雪

館閣儼瑤臺窓明似鏡開莫愁燈火盡還有夜
光來

仲冬朔夕送友人還吳門

一歲兩相逢淒淒值仲冬樓頭方醉飲惜別隔
雲峰

杜元馨

和內翰袁度伯園居祿咏

帶月荷鋤歸衝烟荷鋤去誰知灌園人亦自有

經濟

右自鋤園

西望平原村東眺春申浦極目思何窮烟霞自
吞吐

右超遠樓

遊鯨躍清池好鳥啼茂樹幽人時莞然知有會
心處

右獨笑軒

于世寡所營因之謝塵鞅宴坐白日長爐烟裊

虛幌

右淡逸處

杜元鑣

次韻答與叅馮子見懷

相彼幽人居綠陰堆未已只在咫尺間幸勿懷
道里

扶鸞適仲連先生至賦贈

讀史欽先烈何人耻帝秦至今東海側猶半是
頑民

和進卿三叔園居十首之二

自慙鷗盟意非因倦鳥還竹林餘興在容我款
花關

其二

投竿原海曲避世號墻東不是求羊侶何人解
與同

同何孚有趙半嶠遊雨花臺遇雨

攜手上平臺千山佳氣開雲飛一片白應是雨
花來

杜元臣

野泊喜月

村火依微近歸鷓噪夕陽坐看雲吐月獨客對
河梁

春曉登石林庵元極閣

高閣白雲連鐘聲破曉天杜陵一回首春樹萬
家烟

杜元期

雨中聞子規

風急花爭落愁隨細草生如何春雨夜復叫子
規聲

杜忠期

古別離

昨夜妾夢君今朝君書來可憐終不見徒令妾
思哀

其二

青青春色去杳杳秋風催借問渡頭水何時却
送回

杜如期

龍井道中

不斷藤蘿色山泉掛壁流松濤含宿雨咫尺似
龍湫

春閨曲

手拈楊柳枝羞作鴛鴦結忽驚夢裏言冷落花
間月

杜如恂

村居寄興

五言絕

抱甕汲新漚開軒弄紫霞陰陰喬木裏不愧野
人家

杜弘域

班師南還宿州道中遇雨

漠漠油雲密瀟瀟膏雨輕自此妖氛靖應知爲
洗兵

杜啓文

秋思和開生弟韻

雁叫長空遠蛩吟夕砌幽可堪江上月清影照

南樓

其二

畫角將殘夜清砧欲曙天深閨愁思獨離別杳
如年

杜啓徵

暮春風雨

雨拍春潮急屏花一夜空自憐寥落甚夢逐五
雲東

題畫贈陳眉公先生

白雲度草廬花木覆前除中有高人卧焚香讀
道書

杜爾詔

秋日同潘聖眉登丹鳳樓遇雨

極目塵襟豁樓高爽氣迎片雲南浦黑一雨暗
孤城

同季猷起侯兩叔登南滙佛閣

海氣連高閣登臨望欲迷瓜城人跡少野戍暮
雲低

杜聖生

春莫

鶯啼春院寂蝶舞夕陽空一夜風聲急溪流滿
落紅

秋怨

風吹塞雁斷簾捲夜衾寒縱有關山月那堪兩
地看

杜世祺

茅山道中柬吳九苞

山中日日雨雲起卽生寒不歷諸峯險焉知一
葉安

秋夜獨坐

塵情何處捐幽思獨飛越四顧寂無人空庭一
片月

辛卯秋夕雨阻天寧洲悶坐偶成

片雲千里白暮雨一帆孤飄泊秋江夜村醪何
處沽

秋夜同郭虞符宿靈官張厚之道院

空山何寂寞雞犬夜無聲明月照高閣悠然客
夢清

同徐西崖雨坐水月庵樓卽景

白日悲風發層樓四望陰長川烟雨急詩思滿
雲林

杜世法

古別離

日暮送郎行牽衣淚如霰縱有書歸來何似見
郎面

西水庵

門前繞流水
簷下多白雲
靜坐若有得
欲言忘所云

曉發

風吹日欲上
浦靜潮初轉
意與白鷗閒
心隨片帆遠

杜世社

題畫

水邊竹爲垣
林下茅爲屋
滿岫白雲深
伊人卧

歌獨

其二

烟樹橫雲外
孤舟落照邊
悠然桑柘叟
可記避秦年

花燭詞

新荷擎露掌
珠在掌中旋
看時雙影動
合處一顚圓

杜世裕

京邸雨懷

木言
積雨京華暗庭花落復開春光看又過何日賦
歸來

睡餘吟

徑竹青青個幽人窓下卧醒來茶正香隨意尋
詩和

杜春

春游

蘭漿映花溪垂楊望不迷春山無限好到處聽
鶯啼

雲間杜氏詩選

七言絕

吳三省曾傳氏

同郡 朱在鎬周望氏選閱

徐允哲西崖氏

京兆後裔杜世祺以介氏編輯

杜 祓

同友人夜登燕子磯

壁立玲瓏撼碧空
依微漁火徹江紅
坐聽萬壑松濤怒
并入雄心此夜中

杜詩

七言絕

初夏寄興

雨肥梅綻綠陰齊
風過花香遞隔溪
天氣困人增午夢
科頭閒步小橋西

杜 讚

春懷柬虛江姪

晴郊芳艸覆長隄
樹樹好音鳥亂啼
白髮青春須自惜
醉看花柳滾東西

杜時登

柬僧

九峯叢翠五雲開
笑指高原有逸才
掃石焚香空悵望
何因飛錫海濱來

杜時達

謁漂母祠

功蓋蕭曹族且夷
漢家宮闕總離離
不忘一飯千金報
猶有城邊漂母祠

杜宗範

憶別都中同鄉諸大老

君畱燕地我還吳
薊北江南萬里途
一夜竟飛

揚子渡漫隨河水到皇都

過鮑叔牙墓有懷

管鮑當年交誼深
謾將意氣托分金
休言仲父懷知己
千載猶傾寒士心

歸泊閶門

寥落歸來已莫春
閶門折柳獨愁新
千秋劍客歸何處
惟見專諸巷裏人

杜宗恂

同銓部姪夜泊聞隣舟笛聲和韻

扁舟斜泊水烟灘
切切聲悲客淚彈
三弄曲終天未曉
梅花一夜滿江干

杜宗玠

清涼山夕望

晚山無雨亦生烟
日落蒼茫散百川
望斷霞峯驚海市
長江一片白雲連

杜獻璋

曉過延陵

晨星歷亂入船多
柔櫓驚鷗起綠莎
霜重曉鐘

寒萬戶隔城雞犬夢中過

春閨曲

錦字難憑塞雁回
煖生華屋燕飛來
莫言塞上須貂錦
且覓春衫取次裁

花朝看杏花

杏花開遍正花朝
煖映晴光色更饒
誰道寂寥楊子宅
紅粧不惜向人嬌

杜獻璠

上巳日舟行

柳烟花霧送輕橈
指點江鄉路未遙
此日不須臨曲水
祓除還喜對春潮

寄箴城姪宦留銓

姪伯兄奉常同官白下時奏績北上

聯翩健翮碧霄齊
兩兩仙班手共携
目送鴈行非遠別
上林春煖待雙棲

杜開美

柳枝辭

簾前燕啄柳花香
嬾嬾柔條惹恨長
風裏烟鬟嬌欲墮
朱樓凝望不成粧

春思

畫樓初日煖猶微
燕蹴飛花撲舞衣
欲捲朱簾望春色
不堪垂柳正依依

送從弟道執宰大冶

河梁獨立渺愁余
賴有池塘夢不虛
縱念鴈行題尺素
也知不寄武昌魚

抵家別喬文燁徐唐運諸君

白雲紅樹半滄洲
十日論心散客愁
却恨近家翻是別
孤舟回首又并州

送張次甫南行

春雨江帆幾日程
千山色遞相迎
壯行况是同鄉國
莫向烟波動旅情

郡西小泊王伯元王叔朗追送飲別

布颿欲挂客還過
喚取樽醪話別多
不是離筵忍成醉
醒時愁聽渭城歌

送陳郡博秋宇擢關中保安令

墨綬新膺換絳紗
還家莫戀佛來霞
長寧有携佛來山
將桃李歲蕤色散作河陽滿縣花

雨夜懷子厚二弟

花信風寒雨亦寒
一龕燈影坐來殘
忽思弟勸兄酬句
愁雨愁風總不權

杜士領

和笈城弟早秋經御田

山翠重重接水田
稻花蓮葉捲晴烟
垂楊欲拂行人首
疑是江南畫裏天

瓶花

庭前芳樹驚全落
瓶裏花枝轉盛開
不是陽春

偷拆得美人
潛入避風臺

杜士全

西湖襟咏

滿目風光總畫圖
無將良嶽擬蓬壺
西湖也是能傾國
不獨西施可沼吳

辭朝再賜酒飯

未央晨起聽鳴鐘
丹陛辭歸散曉風
帝命大官重賜食
玉音飛落五雲中

對月有懷沈太愚年丈

休文原是吾同調別後相憐水一方記得暑中
風雨夜朗吟詩句滿飛觴

暑中新竹盛于昔年口占志喜

淇園風景石城春入夏浮雲作意新漫道閒曹
非吏隱吾今已是竹中人

辭朝大雪尺餘

天作同雲雪亂飄 皇家官闕總瓊瑤沉沉玉

漏聲初寂傳出 君王詔免朝

杜士冠

秋夜

吟成獨自倒秋缸露白天高雁幾行莫使金猊
香篆冷好延明月到西牕

同黃門內翰兩兄泊舟浦南閒步

日落村村似畫圖一行野鳥避人呼漫追散步
林臯土指點江鄉路有無

杜士漸

起候姪率諸弟姪讀書石林庵賦贈

小松低竹繞長廊興到踈狂總不妨煮茗焚香

清淨界詩壇禪境少年場

杜文煥

和答李本寧先生過太霞隱居

青牛西度已多年
白板重來更覺仙
自慚絕塞無供給
惟有流霞一味鮮

辛卯夏日自茸城登舟過訪東土諸宗黨

浦中口占

輕風舟利迅如馳
橫槩高歌獨舉卮
指點江鄉何處是
杜陵東望一題詩

賜告還家蒙諸親知邀飲喜賦

去日榴花照眼新
歸時菊蕊綻黃金
數年奔走風塵內
不道征夫素髮侵

杜元會

抵舊居

故鄉不改舊江河
風利揚帆歸去歌
喜入柴門兒女聚
應驚白髮近增多

惜別

乍歸無暇敘離情
又遇長年問去程
羅帶匆匆

猶未縮申江已說早潮平

中秋

玉輪遙映畫屏前
萬里清光不夜天
羞把霜絲疑兔影
笑看雲鬢卧嬋娟

杜元楚

從軍行

天外寒聲陽鳥哀
橫戈四望李陵臺
風搖白日孤城閉
雪壓黃雲萬馬來

其二

白楊攏上朔風寒
青艸湖邊木葉乾
百戰彎弓人自老
歸家雨雪正漫漫

杜元良

過陳睂公白石樵有感

拳石嶙峋有洞天
山樵自昔任高眠
誰知閭苑依空谷
衰艸淒淒拂暮烟

杜元馨

秋夜張君聘邀飲適瓶有海棠坐有美人

賦贈

陶情莫放酒杯空况復名花到眼中檀板漫須
歌折柳王孫原不怨秋風

淨葺書齋柬友

而今真个似僧家茗碗香爐引興賒消盡閒愁
忘俗慮看他清月上梅花

杜元鑣

和馭初姪秋日感懷

隔水茅樓綠半遮晚涼閒看落暉斜欲尋世外
烟霞侶那得安期棗似瓜

賦答甸章錢沃階先生問紫薇

先生與先
君子知愛

最深別去三十年不遠千里貽書下詢
兼以一絕問西堂紫薇爲次奉答

甘載猶存舊紫薇時移不改昔芳菲堪嗟手澤
人何在玉樹凋殘悵式微

贈妓

華堂紅粉恰成行分得當年御史狂一曲清歌
腸欲斷相看若個是周郎

杜元臣

太傅韜武伯拉遊園亭賦贈

園在崑山下

歷盡邊疆壯業艱今朝纔隱玉峯間願期杖履
長無恙歲歲相從一度閒

杜元期

薊門聞雁

五鳳城高刻漏稀邊風欲動雁初飛數行斜度
關山月無奈鄉心逐陣歸

帝城楊柳枝

晝漏沉沉紫閣偏幾重新綠結晴烟東風祇候
鸞輿過吹得長條似玉鞭

杜忠期

春社過陸墳懷子玄

尚書墓畔長蒿萊丙舍無人花自開鴻雁有時
歸北去逐臣何日復南來

客中送友

相逢此日正春晴何事來朝又欲行客裏送君
還作客江流無盡故鄉情

和以介姪孫幽蘭韻

空谷從來獨擅芳偷開紅甲冷含香數枝斜倚

無人問月白風清韻自長

杜如期

丹陽夜泊

弱雲狼籍晚風清最是關心兒女情今夜燈前
應笑語征人會否到金陵

蘇堤同陸夢鶴夜泛

常憶西湖柳色新桃花如笑不勝春獨憐聊落
看將盡猶得當年載酒人

霞城署中懷諸弟

搔首高齋盼雁羣山山春色靄斜曛客中善病
非關肺一片鄉心寄白雲

杜啓文

毘陵夜泊

漁火光茫映水雲笛聲遙向客中聞
子秦無策貂裘敝沽酒高歌入夜醺

杜啓徵

夜坐懷李升之昆仲

凄然夜色人初定蕉雨瀟瀟亂柝聲
較舊不堪

如掃葉思君常是對寒檠

靜攝松風館

兼旬風雨暗孤村簡罷殘編獨舉樽寂寂海棠
人不到爲憐新燕一開門

杜啟慶

新竹

露滴晴稍片月虛風敲嫩綠透幽居此君自是
東南寶莫放灘頭去釣魚

春日

春曉啼鶯怯更長花枝冉冉拂東牆祗憐昨夜
無情雨催落殘紅一片香

杜啟源

憶新燕

舊巢密約定歸期不悞芳辰社日宜莫漫簾前
飛不定春風何處少離思

渡黃河

泚泚奔濤天外來乘風問渡思悠哉澄清何事
還多待早辦當年獻賦才

紅花埠觀妓

莫誇燕趙傾城色此地新粧亦解歌試問紅塵
潦倒客十年狂興近如何

杜爾詔

續滿城風雨句次逋庵三叔韻

滿城風雨近重陽籬菊蕭疎伴草堂最是懷人
秋水後丹楓一夜滿江鄉

貯清齋牡丹初放值與叅馮子過訪分韻

天香不與衆芳隣艷色偏宜殿暮春寄語封姨

莫相妬解憐猶有舊游人

杜爾誥

躍龍禪院

在魯滙

古寺深林分外幽何知經世幾千秋于今不見
潭龍躍日日當門水自流

杜爾強

次樵隱兄咏醉西施菊韻

金風喚得舊愁新幻出當年歌舞人霜萼破來
猶帶暈姑蘇月冷爲誰春

杜聖生

春怨

玉樓春靜篆浮烟低酌瑤觴整翠鈿何事珠簾
斜不捲亂鶯啼破落花天

申江夜泊

渡頭漁火隔楓林幾處菱歌動客心欲釣五溪
誰結伴烟橫碧落暮雲深

杜亮采

夜抵維揚

一片輕帆破碧烟城頭清柝雁聲連榜人爲說
維舟處舊是雕甍藻井邊

渡黃河

奔濤千頃渺無涯襍被蕭然一葉賒聞道尋源
曾有路不知何處覓長槎

杜來遠

題履信弟畫

應是前身老畫師居然筆底半成癡廬山面目
依稀在可有高人獨卧時

野水茅亭霜落時寄情偏在歲寒枝短筇半倚
孤雲晚猶向蒼茫誦楚詞

杜世祺

閔鎮渡口畱別賡虞

總爲相逢去住難申江亭畔醉相看孤帆遠掛
浮雲色落日濤聲歸夢寒

次宮人葉子媚韻

鍾山近在白雲邊回憶當年雙鳳鈿千里相思

誰寄得夕陽一片暮秋烟

青溪卽事

板橋衰柳半潮痕日落寒潭水氣昏蘆荻蕭蕭
橫野渡恍疑城郭是江村

舟次龍潭懷受將沈夫子

時卜居西郊外極西

白雲湖上思悠悠搖落秋風一葉舟莫向西林
看落日故人迢遞不勝愁

辛卯九月陸偉人齋頭西府海棠盛開同
周西園郭賡虞唐易生過賞卽席和西

本言
園韻

嬌姿何必艷陽天
搖曳西風倍覺妍
一點春心秋思裏
誰能解語爲花憐

懷朱周望

推落秋風送雁馳
傷心碧艸暮烟時
誰將一片申江水
間作雲天兩地思

過喬大匡東臯別業賦贈

海近雲烟四壁餘
夕陽寒帶武源廬
山深未許漁樵入
坐對秋光好著書

宿茅山上宮次陸當湖先生韻

千里朝真宿上宮
曉鷗啼散五更風
瑤臺玉宇非凡境
現出真人掛碧峯

春閨曲

東風吹放花千枝
楊柳新垂陌上絲
歲歲柳殘花又落
玉關未敢定歸期

關山月

十年遼海滯征鞍
白草黃沙淚欲彈
一樣清秋千里月
關山看處不勝寒

杜世法

步虛詞

玉京朝罷列仙還
雲鶴風鸞縹緲間
歸到瓊樓天漸曉
碧桃花燦滿三山

少年行

生來耻願爲王侯
微軀借人常報讐
斗酒與君一交結
十年肝膽凌千秋

杜世祉

和秦子來閨人曉粧

梳成蟬翼曉雲颺
笑撚花枝翠袖香
回照菱花嬌不語
低頭遙憶畫眉郎

送夏武會北上

托跡衡門已十春
從今直與五雲親
君王正少神仙吏
畱作承明第一人

寄慰余贊可

舊歡新恨繞天涯
錯認同心夜合花
花雨巫雲初亂後
不知飛夢落誰家

其二

蜂蝶何須強效顰殘紅着意向誰真須知紅褪
原無主莫悵蕭郎當路人

閨思

秋盡繁霜落井槐寒衣獨夜剪燈裁翻疑夫婿
音書隔不及飛鴻作陣回

杜世裕

茸城登眺

茸城烟樹幾千家春水年年送落花二陸書堂
何處是夕陽驚聽數聲鴉

金陵舊院訪妓

風流猶說舊章臺客裏誰從買笑來香霧霏霏
鶯語滑綠窓簾動翠襦開

西施曲

館娃宮裏月痕低響屨廊前艸色迷只有扁舟
湖上水盈盈猶是浣紗溪

杜春

寄別張慧曉

杜宇一聲啼客淚桃花千尺送歸舟故人搖落

知何極坐對春風不解愁

楊柳枝詞

千條垂柳綠粼粼
笑並東風弱不堪
飛絮莫教春共去
愁心不得望江南

夜泊

秦淮西接大江流
六代烟花憶勝遊
此夜客愁風雨後
望江樓畔一停舟

杜登春

懷周廣居都門

一從白下同爲客
君向皇州獨上書
謠啄自來還自去
蛾眉近日更何如

秋燕

燕子辭巢何處飛
罡風雲外濕秋衣
分明認得來時路
回首雕梁歸不歸

其二

雙雙乳燕向誰依
長信宮中學舞歸
舊壘空餘泥欲落
頰頰上下怯初飛

杜恒春

夜泊富春

昨夜富春江上住日斜風細酒微醺城頭一望
多愁思半是青山半是雲

雨過釣臺

孤帆一片傍山來細雨濛濛過釣臺想爲俗情
都不免無緣獨上古蒼苔

泊蘭溪

盡日看山終不厭忽然平岸到蘭溪誰家玉笛
酣歌舞不管淒涼客夢迷

杜弘瀛

同姚青垂江泊

水國荒邨晚繫舟烟中漁火帶星浮西風不斷
寒潮急蘆荻蕭蕭兩岸秋

題畫

霜落空江木葉催荻蘆蕭瑟北風哀孤蓬酒醒
披衣坐獨聽遙天數雁來

失編

杜元方

澗墅

嚴關奕奕控姑蘇三十年來幾問途攬鏡未愁
雙鬢改旁人久矣識征夫

道旁

竹轉池塘曲逕幽參天古樹出稍頭沉沉雞犬
無從見來往西橋跨碧流

杜餘佑

寒梅

移來香雪嶺頭寒欲放南枝傍曲闌驛使漫傳

花信早笛聲吹怨入長安

次岵民詠虞美人花

楚天落月劍猶寒淚血烟花化碧丹昔日騷嘶

芳草地玉大何處影珊珊

杜世祺

過釣臺謁嚴先生祠

不應徵書獨自韜先生志行客星高山間明月
堪爲伴肯把羊裘易錦袍

其二

嵐光溪色絕塵埃萬古清風一釣臺怪我浮名
身未隱何時重向富春來

惜燕

寶田堂前燕巢甫就將雛而哺一夕
蛇入其巢食其一併雛俱盡巢亦因
以毀焉其一孤飛梁間徘徊如無所托
哀鳴晝夜不能去余既嘆其寡儔而悲
棲息之無從也賦此誌惜

自別昭陽接舞衣華堂日日兩相依那堪零落

春風後回首雕梁不忍飛

莫葭士見過賦贈

十年東海遯高踪咫尺天涯不易逢秋水蒹葭

頻悵望悠然空谷白雲封

其二

寄情偏在歲寒時葉滿空庭酒一卮霜冷鐘殘
忘夜永醉餘還擬共題詩

雨舟望鄉

淋漓一望氣蒼茫烟水家山隔異鄉此夜孤舟
何處泊風風雨雨又斜陽

客途月下觀劇

輕舸暮泛過江城一派笙歌正月明斗酒漫聽

今夜曲玉簫聲裏玉壺傾

秋日懷受將沈夫子

天高雁影度長空一水伊人在望中無那離情
秋又暮黃花滿地好誰同

杜世集

梨花

不須粉黛澹然粧玉質如登白玉堂一自馬嵬
人去後花容月色兩茫茫

水仙花

花明閬苑淡如梅笑倚東風次第開玉立亭亭
宛在水尋仙何必到蓬萊

杜天鑑

新柳

樓頭垂綠暗參差忽憶離人起畫眉鏡裏眉梢
青不盡捲簾日影正遲遲

春晚

草閣留春對酒杯閒花飛盡幾時回一聲玉笛
人懷遠更訝東風送落梅

後序

古人七葉有集如王氏青
箱傳之史冊以為美談今
觀杜子以介所輯杜氏一
家言古今人意豈異也集

中名列百餘人不數首支
分派別井如秩如不附遠
不存貴蓋其慎也所載自
洪永以來涇濡於中年化
成之後其詩詞簡正有承

平之遺風皆忠孝之餘仁
義之澤也豐水有芑百世
之仁也豈不然乎至以介
昆季唱和詩中居多和平
神聰卓乎大雅其澤於古

也深矣輯成以介猶以簡
于前而詳于後為媿然旁
搜遠紹存什一於千百咸
出于灰燼剥落之餘其切
勤而意遠均足重也諸君

子既弁其端屬予述其輯
之意故識其後云

時

康熙丙辰菊月上浣年家
同學春弟村石老人朱

在鑄謹識



後敘

自三百篇而後言詩者必

推少陵杜氏為宗蓋以體

並眾美言奪以蘇李氣吞曹

劉掩謝飲之孤高韋馮原

後

之流惡可謂盡古今之體物
而集其大成者矣後如五賈
姬薛張籍或得其氣焰或
得其清惡或得其雄奇博
瞻皆學公之偏師而自成一

體况乎溯源家學得武庫
之真傳如世所稱大小杜者
文章風雅凌古標今者不其
羨為醜源之本者哉若堂
綜其家乘而邈之明初宗

原公首擢詞科應制法什
宋景漁先生為選一筆書
南緬不庭公奉詔撫之緬人
馳香帛而求題後者車滿
郵亭歸而達法朝明祖為
製御序一府異數是以此再
傳為君江孺懷公聊爾德矣
百一諸稿脞矣人口君江之子
曰雲梅孫曰爰度少以經理玉
操左右宸翰與柳瑯應下

法君子後先執牛耳所著者
蘭坡集咸推為風雅宗吳
云孺懷之後為浮臺只出書
夷陵三泐七澤悉經品題七
司宜司馬完三筱城西云所

其文孫也讀其詩如春星峯
稿仍詩閩集溫厚和平力
追正如時人比之二陸至梅渠
素澆先生博學宏詞後先娘
美豈特甲第初了為時君望

若致公者皆以美辭頌望卓
絕一旦夫莫為之前雖莫勿
躬是為之沒雖盛勿傳今
杜子以系潛心著述元本家
傳晰其支系而次第集之

雖山林鐘鼎出要異致摠
無媿為少陵之苗裔風雅
之淵藪也余與同學諸子
披覽之餘不但嘆工部之
宗風不遠并服以介之能

探珠搜玉盡美極研為系
此語賢重閣生面因述其
大略多如此

時

康熙甲寅天中月年家小

弟吳三省曾傳氏類首
拜題於浣花草堂

三省

原君祖
今曾應

卷之

馬

朝



